




DS

735

A2W8

19--

V. 19--









尺木堂綱鑑易知錄卷四

周之炯靜專

通鑑綱目定本

山陰吳乘權楚材同輯

周之燦星若

隋紀

楊帝

綱已巳五年春正月改東京見上卷為東都綱禁民

閒兵器見上卷十鐵目又搭鉤續刃之類皆禁

之綱三月帝巡河右即河西見夏四月遣兵擊吐谷

巡河右



渾

見上卷三十

不克西域諸國來朝獻地置西海等郡

**綱**

冬十一月還東都**綱**殺司隸大夫薛道衡**目**道衡以

才學有盛名自潘州

詳質實云未

刺史召還上高祖頌

帝不悅曰此魚藻之義也

詩小雅魚藻篇刺幽王也言魚以依藻為得其性今

王政教衰羣生不得其所故思古之武王拜司隸大

湯帝謂道衡之頌高祖是亦思武王之義夫將罪之司隸刺史房彥謙勸以杜絕賓客卑辭下

氣道衡不能用會議新令久不決道衡謂人曰向使

高頴不死令決當久有人奏之帝怒付執法者推之

御史大夫裴蘊奏道衡負才悖逆有無君之心縊意

此魚藻之義



殺之。

陳百戲于端門

綱庚午六年春正月諸蕃來朝陳百戲于端門以示

之。帝以諸蕃酋長畢集洛陽陳百戲於端門街執

絲竹者萬八千人自昏達旦終月而罷所費鉅萬自

是歲以為常諸蕃請入豐都市交易許之先命整飾

店肆盛設帷帳珍貨充積人物華盛胡客過酒食

酒食不取直

店悉令邀入醉飽而散不取其直價給臺上聲之曰

中國豐饒酒食例不取直胡客皆驚歎其黠閑入聲也

者頗覺之見以繪情帛纏樹曰中國亦有貧者衣不

繪帛纏樹



如江都

蓋形何如以此物與之纏樹何爲市人慙不能答帝

稱裴矩

見上卷末

之能謂羣臣曰裴矩大識朕意凡所陳

奏皆朕之成算而未發者自非奉國盡心孰能若是

**綱**

三月帝如江都

見上卷二九

**綱**

除榆林太守張衡名以

王世充領江都宮監

初張衡諫營汾

焚

陽今山西太原府

陽曲縣

宮

大業四年夏四月營汾陽宮

帝意不平乃出爲榆林

見上卷三

太守久之敕督役江都宮禮部尚書楊玄感

素之子

使至江都衡謂之曰薛道衡眞爲枉死玄感奏之江

都郡丞王世充又奏衡頻減頓

頓舍具

供具

帝怒除名爲



民以世充領江都宮監。世充本西域胡人。姓支氏。父收。幼從母嫁王氏。因冒其姓。

世充性譎詐。有口辯。頗涉書傳。好兵法。習律令。帝數幸江都。世充能伺候顏色。雕飾池臺。奏獻珍物。由是有寵。

**綱**冬十二月。文安府文安縣。今直隸順天。侯牛弘卒。**目**弘寬

厚恭儉。學術精博。隋室舊臣。始終信任。悔吝不及者

一人而已。弟弼虛去聲。醉怒。酒射。不殺弘。駕車牛。弘自

外還。其妻迎謂之曰。叔射殺牛。弘無所問。直云作脯。

坐定。其妻又言。弘曰。已知之矣。顏色自若。讀書不輟。

徵高麗王  
入朝不至

**綱**徵高麗離王元入朝。不至。**目**帝之幸啓民帳。見上卷三

一也。高麗東胡國名。本箕子所封。今為朝鮮國。使者。在啓民所。啓



帝自將擊高麗

民不敢隱與之見帝裴矩說帝曰高麗漢晉皆為郡縣今乃不臣先帝欲征之久矣今其使者親見啓民舉國從化可因其恐懼脅使入朝帝從之使牛弘宣旨令使者還語高麗王入朝至是不至乃謀討之

**綱**辛未七年春二月帝自將擊高麗夏四月至臨朔

宮徵天下兵會涿郡今直隸順天府涿州**目**帝御龍舟渡河遂

下詔討高麗敕幽州即順天府總管元弘嗣往東萊今山東萊

州海口造船三百艘搜船之總名官吏督役晝夜立水中

不敢息自腰以下皆生蛆死者什三四又敕河南



底柱崩

知世郎

無向遼東  
浪死歌

淮南江南造戎車五萬乘發江淮以南民夫及船運

黎陽

倉名在直隸大名府濬縣

及洛口

亦倉名見上卷三十

諸倉米

舳艫

見上

卷二千里往還常數十萬人晝夜不絕死者相枕

去聲

天下騷動

**綱**冬十月

底柱

山名在河南河南府陝州城東四十里黃河中禹貢

東至于底柱石形如柱故名

**綱**王薄張金稱高士達竇建德等

兵起

書兵起何賊廣也自是凡起兵

**目**是時百姓

窮困始相聚為羣盜鄒平

今山東濟南府鄒平縣

民王薄擁衆

據長白山

在濟南府長山縣

自稱知世郎言事可知矣又作

無向遼東

古郡名高麗地屬焉今盛京

浪死歌以相感動避征役



長樂王竇  
建德後改

號夏

者多往歸之漳南

漳水之南在直隸順德府平鄉縣

人竇建德少尚

氣俠膽力過人。會募人征高麗。建德以選為二百人

長。同縣孫安祖亦以驍勇選為征士。縣令笞之。安祖

殺令亡。抵建德。建德謂曰：「丈夫不死，當立大功。」豈可

但為亡虜邪？乃集無賴少年得數百人。使安祖將之。

入高雞泊

質實云未詳處所

中為羣盜。時鄒

舒。今山東東昌府夏津縣。

人張金稱聚眾河曲

今山西太原府河曲縣。

薳

條。今直隸河間府景州。

人

高士達聚眾於清河

今東昌府恩縣。

郡縣疑建德與賊通。悉

收其家屬殺之。建德帥麾下二百人亡歸士達。士達



自稱東海今江南海安府海州公以建德為司兵頃之安祖為

金稱所殺其眾盡歸建德建德兵至萬餘人建德能

傾身接物與士卒均勞逸由是人爭附之為之致死

**綱**壬申八年春正月遣諸軍分道擊高麗**綱**三月諸

軍度遼水源出遼東行都司塞外自三萬衛西北入境南流經鐵嶺瀋陽廣寧三衛境又南至

海州衛西擊敗高麗兵遂圍遼東見上**綱**夏六月帝至

九軍大敗而還

遼東攻城不克**綱**秋七月將軍宇文述等九軍大敗

於薩水在遼東都司城東北五百六十里鴨綠江東平壤城西而還初九軍度遼凡三十

萬五千人及還至遼東唯**綱**九月帝還東都慰撫使

二千七百人資械蕩盡



劉士龍伏誅。諸將皆除名。**綱**殺張衡。**書**張衡何親行

為不書伏誅。所以蔽罪於楊廣。**目**衡既放廢。**見上**帝

也。然則不具官何。衡嘗除名矣。**目**每令親人覘。**諂**平去二聲之。及還自遼東。衡妄告衡

怨望謗訕。詔賜自盡。衡臨死大言曰。我為人作何等

張衡臨死大言

事而望久活。**見上**卷二。監刑者塞耳。促令殺之。

**綱**癸酉九年春正月。命代王侑留守西京。**目**以刑部

尚書衛文昇輔之。**綱**二月。復宇文述官爵。**綱**三月。帝

復自將擊高麗。命趙王侗留守東都。**目**帝議復伐高

帝復自將擊高麗

麗。光祿大夫郭榮諫曰。千鈞之弩。不為鼷鼠。**鼠**小也。



魏公李密

李密乘黃牛讀漢書

發機。奈何親辱萬乘以敵小寇乎。不聽而行。命民部

尚書樊子蓋輔伺守東都。綱夏四月。帝度遼水。遣諸

將擊高麗。綱六月。楚公楊玄感起兵黎陽。圍東都。且

玄感素之子。驍勇。使騎射好讀書。喜賓客。海內知名之

士多與之遊。蒲山質實云縣名公李密襲父蒲山公少有

才略。志氣雄遠。輕財好士。為左親侍。帝見之。謂宇文

述曰。左仗下黑色小兒。瞻視異常。勿令宿衛。述乃諷

密使稱病自免。密遂屏丙人事。專務讀書。嘗乘黃牛

讀漢書。楊素遇而異之。與語大悅。謂玄感等曰。汝等



不及也。由是王感與爲深交。初王感以朝政日紊，與

諸弟潛謀作亂。至是帝命王感於黎陽。

今直隸大名府濬縣。督

運。六月，王感入黎陽，選運夫少壯者得五千餘人，刑

三牲誓衆，且諭之曰：「主上無道，不以百姓爲念，天下

騷擾，死遼東者以萬計。今與君等起兵，以救兆民之

弊，何如？」衆皆踊躍稱萬歲。乃勒兵部分。先是王感陰

遣召李密，密至。王感大喜，問計。密曰：「天子出征，遠在

遼外，去幽州

今直隸順天府。

猶隔千里。公擁兵出其不意，長

驅入薊

計。今順天府大興縣。

扼其咽喉。高麗聞之，必躡其後。



不過旬日。資糧皆盡。其衆不降則潰。會可不戰而擒。

此上計也。王感曰。更言其次。密曰。關中。

隋西京。今陝西西安府。

四塞。

四面有山河之固。

天府。

天所造之府。

之國。雖有衛文昇。不足

爲意。今帥衆鼓行而西。經城勿攻。直取長安。

即關中。今西安。

府長安縣。收其豪傑。撫其士民。據險而守之。天子雖還失

其根本。可徐圖也。王感曰。更言其次。密曰。簡兵倍道

襲取東都。以號令四方。但恐先已固守。若引兵攻之。

百日不克。天下之兵四面而至。非僕所知也。王感曰。

不然。今百官家口並在東都。若先取之。足以動其心。



且經城不拔。何以示威。公之下計。乃上策也。遂引兵

向洛陽。圍東都。**綱**帝引軍還。遣宇文述來護兒等。擊

楊玄感。**綱**秋七月。楊玄感引兵趣潼關。在河南河南府閿鄉

縣。閿音焚。八月。宇文述等追之。玄感敗死。**綱**以唐公李

以李淵為弘化畱守

淵為弘化畱守。**目**帝以衛尉少卿李淵為弘化今陝西慶

陽府畱守。淵御衆寬簡。人多附之。帝以淵相表奇異。又

名應圖讖。忌之。未幾徵詣行在所。見三三卷五淵遇疾未

謁。其甥王氏在後宮。帝問曰。汝舅來何遲。王氏以疾

對。帝曰。可得死否。淵聞之懼。因縱酒納賂以自晦。**綱**



空梁落燕泥  
庭草無人  
隨意綠

殺楊玄感黨與三萬餘人。帝使御史大夫裴弘推玄感黨與。謂曰：玄感一呼而從者十萬，益知天下人不欲多，多即相聚為盜耳。不盡加誅，無以懲後。由是所殺三萬餘人。枉死者大半。玄感之圍東都也，開倉賑給百姓，凡受米者皆阮銓之。於都城之南，玄感所善文士王冑坐徙邊，亡命。見二五卷八捕得誅之。帝善屬祝文，不欲人出其右。薛道衡死，帝曰：「更能作空梁落燕泥否？」冑死，帝誦其佳句曰：「庭草無人隨意綠，復能作此語邪？」帝自負才學，每驕天下之士，常謂侍臣



曰天下皆謂朕承藉緒餘而有四海設令朕與士大夫高選亦當為天子謂祕書郎虞世南曰我性不喜人諫若位望通顯而諫以求名者彌所不耐至於卑賤之士雖少寬假然卒不置之地上汝其知之

徵天下兵  
伐高麗

綱甲戌十年春二月徵天下兵伐高麗三月帝如涿

郡見上秋七月次懷遠鎮質實云未詳處所高麗遣使請降

綱冬十月遷西京綱十二月帝如東都殺太史令庾

質目帝將如東都太史令庾質諫曰比歲伐遼民實

勞弊陛下宜鎮撫關內使百姓盡力農桑三五年間



高德儒指  
孔雀為鸞

如汾陽宮

巡北邊

四海稍豐實然後巡省於事為宜帝怒下質獄殺之

**綱**乙亥十一年春二月孔雀集朝堂百官稱賀**目**有

二孔雀文禽廣益諸州所產自西苑見上卷飛集朝堂觀衛校

尉高德儒等十餘人見之奏以為鸞時孔雀已去無

可得驗於是百官稱賀拜德儒朝散大夫賜物百段

**綱**夏四月帝如汾陽宮見上**綱**以李淵為山西今山

河東今山西平陽府撫慰大使**綱**秋八月帝巡北邊突厥始

畢可汗見上卷入寇帝入鴈門始畢圍之九月乃解

**目**帝巡北邊始畢啓民可汗帥騎數十萬謀襲乘輿



義成公主見同上先遣使者告變車駕馳入鴈門今山西太

原府突厥圍鴈門詔天下募兵守令競來赴難李淵

唐太宗李世民

之子世民年十六應募隸屯衛將軍雲定興說之曰

始畢敢舉兵圍天子必謂我倉猝不能赴援故也宜

畫則引旌旗令平聲數十里不絕夜則鉦征也。鉦也。鐃也。

似小鐘。鐃以止鼓。鐃以節鼓。鐃音撓。鐃音濁。鼓相應虜必謂救兵大至望

風遁去定興從之諸郡援兵亦至九月始畢解圍去

綱冬十月帝還東都詔江都更造龍舟見上卷綱

城父見三朱粲兵起卷二八



蘇威引身  
隱柱

綱丙子十二年楚帝林士弘春正月分遣使者發兵

擊諸起兵者法書諸起兵者何惡廣也綱目賊廣故不

也凡書起兵者綱夏四月大業殿火五月朔日食

皆以自敗為文綱夏四月大業殿火五月朔日食

既法書食既大變也開一歲而隋亡矣綱目書食既

漢明帝見二綱除納言蘇威名日帝問侍臣盜賊翊

衛大將軍宇文述曰漸少納言蘇威引身隱柱帝呼

問之對曰臣非所司不喻多少但患漸近帝曰何謂

也威曰他日賊據長白山見上今近在汜似水源出河南

開封府汜水縣西方且往日租賦丁役今皆何在豈

山東南流入黃河隋煬帝



蘇威獨獻  
尚書

非其人皆化為盜乎。帝不悅。屬

祝

五月五日。百僚多

饋珍翫。

玩

威獨獻尚書。或譖之曰。尚書有五子之歌。

見一卷

威意甚不遜。帝益怒。頃之。帝問威以伐高麗

事。威欲帝知天下多盜。對曰。今茲之役。願不發兵。但

赦羣盜。自可得數十萬。遣之東征。高麗可滅。帝不懌。

威出。裴蘊奏曰。此大不遜。天下何處有多許賊。帝曰。

老革。

革皮也。老革皮色枯瘁之形。一說革兵也。老革猶言老兵。

多姦。以賊脇我。蘊

遣河南白衣張行本奏威。背典選。濫授人官。案驗獄

成。詔除名為民。**綱**秋七月。帝如江都。命越王侗畱守。



殺諫者任宗崔民象王愛仁。[目]江都龍舟見上成。送

東都。宇文述勸幸江都。帝從之。建節尉任宗上書極

諫。即日於朝堂杖殺之。遂幸江都。命越王侗與光祿

大夫段達等總留後事。奉信郎崔民象以盜賊充斥

於建國門上表諫。帝大怒。先解其頸。然後斬之。至池

水。見上奉信郎王愛仁復上表請還西京。斬之。[綱]冬十

月。許公宇文述卒。[目]初。述子化及智及皆無賴。化及

事帝於東宮。帝寵昵。銀入聲。親近也。之從幸榆林。見上卷三十。

化及智及冒禁與突厥交市。帝怒。將斬之。既而釋之。



述卒帝復以化及為右屯衛將軍智及為將作少監

綱翟讓李密起兵攻滎陽張須陁駐擊之敗死。目韋

城故城在直隸大名府滑縣翟讓為東郡今山東東昌府法曹坐事當斬

亡命於瓦崗質實云未詳處所為羣盜同郡單雄信驍健善

馬槊才聚少年往從之離狐故城在山東兗州府曹縣徐世勣年

十七有勇略說讓剽行舟商旅讓資用豐給附者益

衆至萬餘人時又有外黃故城在河南開封府杞縣王當仁濟陽

故城在兗州府曹縣王伯當韋城周文舉雍丘即開封府杞縣李公逸

等皆擁衆為盜李密自雍丘亡命初楊玄感兵敗密被執以計亡去聚



徒教授郡縣捕之又亡抵其妹夫雍丘令丘君明君  
明轉寄於遊俠王秀才家事覺帝令捕之值密出外  
獲免又亡往來諸帥間說以取天下之策始皆不信久之

稍以為然相謂曰今人皆云楊氏將滅李氏將興吾

聞王者不死斯人謂李密再三獲濟見上豈非其人乎由

是漸敬密密察諸帥唯翟讓最彊乃因王伯當以見

讓為讓畫策說讓先取滎陽今開封府滎陽縣於是攻滎陽

諸縣多下之帝以張須陁為滎陽通守即今通判以討之

密分兵千餘人伏林間掩之須陁敗死河南郡縣為

之喪氣綱十二月鄱陽今江西饒州府鄱陽縣林士弘稱楚

林士弘稱楚



帝據江南

綱

以李淵為太原

今山西太原府

畱守擊甄

真翟

兒

四月甄翟見攻太原

破之

綱

太僕楊義臣

擊張金稱高士達

斬之竇建德收其衆取饒陽

今直隸真定府饒陽縣

詔罷義臣

兵。目內史郎虞世基以帝惡聞盜賊諸將有告敗求

救者皆不以聞或杖其使者以為妄言由是盜賊徧

海內帝皆弗之知楊義臣破降河北賊數十萬列狀

上聞帝歎曰我初不聞賊頓如此義臣降賊何多也

世基對曰小竊雖多未足為慮義臣克之擁兵不少

久在閫外

見七十二卷七

此最非宜帝曰卿言是也遽追義

虞世基請  
罷楊義臣

二



臣放散其兵。賊由是復盛。**綱**帝至江都。詔李淵擊

突厥。

**綱**丁丑十三年。恭帝仿義寧元年。長樂王竇建德

周天興元。梁王梁師都永隆元。秦王薛舉秦興元。梁王蕭銑鳴鳳元。是歲并楚凡八國。春正月

竇建德稱長樂王。

**綱**二月馬邑。今山西大同府馬邑。

校尉劉武周朔方。今陝西寧夏衛。郎將梁師都各據郡起

兵。**綱**翟讓李密據興洛倉。在洛陽縣北。擊敗東都兵。讓推

李密稱魏公。

今直隸大名府。略取河南諸郡。**綱**三月突厥立劉

武周為定楊府。

今山西汾州介休縣。可汗。見上卷。取樓煩。今山西

晉陽。隋煬帝。一。隋煬帝。一。三。



原府音可嵐州

定襄

今太原府定襄縣

鴈門

今太原府代州諸郡

綱

梁師都取雕陰

今陝西延安府綏德州

弘化

今陝西延安府

延安

即延安府

梁師都稱梁帝

等郡自稱梁帝引突厥寇邊

綱流入郭子和起兵榆

林

今陝西都司榆林衛

突厥以為屋利設

突厥俗謂別部典兵者曰設屋利乃一設

薛舉稱西秦霸王

之

綱夏四月金城

今陝西臨洮府蘭州

校尉薛舉起兵隴西今陝

西翟自稱西秦霸王

綱河南討捕使裴仁基以虎牢

見三八

降李密密攻東都入其郭

郭也自密移檄吸

罄竹決波

郡縣數

上聲

帝十罪且曰罄南山之竹書罪無窮決東

海之波流惡難盡祖君彥

璉之子密用為記室

之辭也

綱五月



加起兵

李淵起兵太原殺副留守王威高君雅初淵娶

神武今山西大同府山陰縣肅公竇毅生四男建威祖武玄霸

元吉一女適太子千牛備身千牛備身東宮官名臨汾今山西平陽府

縣柴紹世民聰明勇決識量過人見隋室方亂陰

有安天下之志傾身下士散財結客咸得其歡心晉

陽今太原府太原縣宮見上卷監裴寂晉陽令劉文靜相與

同宿見城上烽火寂歎曰貧賤如此復逢亂離何以

自存文靜笑曰時事可知吾二人相得何憂貧賤文

靜見李世民而異之深自結納謂寂曰此人雖少命

劉文靜  
子世民

隋書卷一百一十五 隋煬帝



世才也。寂初未然之。文靜坐與李密連昏。婚繫獄。世

民就省之。文靜曰。天下大亂。非高光漢高之才。不能

定也。世民曰。安知其無。但人不識耳。我來相省。非兒

女之情。欲與君議大事也。計將安出。文靜曰。今主上

南巡江淮。李密圍逼東都。羣盜殆以萬數。當此之際。

有真主驅駕而用之。取天下如反掌耳。太原百姓皆

避盜入城。文靜爲令數年。知其豪傑。一旦收集。可得

十萬人。尊公所將之兵。復且數萬。一言出口。誰敢不

從。以此乘虛入關。號令天下。不過半年。帝業成矣。世



李世民  
父淵起兵

內

人說淵曰今主上無道百姓困窮晉陽城外皆為

告之寂許諾會突厥寇馬邑見上世民乘間開。乘。屏。空。間。處。

民笑曰君言正合我意乃陰部署賓客淵不之知也世民恐淵不從久不敢言淵與裴寂有舊毒相與宴語文靜欲因寂關說乃引寂與世民交世民以其謀

戰場大人若守小節下有寇盜上有嚴刑危亡無日不若順民心興義兵轉禍為福此天授之時也淵大驚曰汝安得為此言明日世民復說淵曰今盜賊徧於天下大人受詔討賊賊可盡乎設能盡賊則功高



不賞身益危矣。惟昨日之言可以救禍。此萬全之策也。願大人勿疑。淵乃歎曰。吾一多思汝言亦大有理。今日破家亡軀亦由汝。化家為國亦由汝矣。先是裴寂私以晉陽宮人侍淵。至是淵從寂飲酒酣。寂從容言曰。二郎謂世民陰養士馬欲舉大事。正為寂以宮人侍公。恐事覺并誅耳。衆情已協。公意如何。淵曰。事已如此。當復奈何。正須從之耳。及劉武周據汾陽宮。上見二。世民言於淵曰。大人為留守而盜賊竊據離宮。不早建大計。禍今至矣。淵乃命世民與劉文静長孫觀



德劉弘基等各募兵遠近赴集旬日間近萬人仍密

遣使召建成元吉於河東今山西平陽府柴紹於長安今陝西

安府長安縣王威高君雅見兵大集疑淵有異志欲討淵

淵使世民伏兵於晉陽宮城之外文靜與弘基順德

等共執威君雅繫獄會突厥數萬衆寇晉陽衆以爲

威君雅實召之也於是斬威君雅以徇日行示突厥太

李淵遣使  
如突厥

掠而去綱六月李淵遣使如突厥目六月建成元吉

與柴紹偕至晉陽劉文靜勸李淵與突厥相結資其

士馬以益兵勢淵從之自爲手啓卑辭厚禮遣去聲始



畢可汗

見上

始畢復書欲淵自為天子乃以兵馬助

之將佐皆喜請從突厥之言。淵不可曰。諸君宜更思

其次。裴寂等乃請尊天子為太上皇。立代王為帝。以

安隋室。移檄吸郡縣改易旗幟。絳白以示突厥。

掩耳盜鈴

淵曰。此可謂掩耳盜鈴。然過於時事。不得不爾。乃許

之遣使。以此告突厥。綱李淵遣世子建成及世民擊

西河郡。拔之。斬郡丞高德儒。目西河郡今山西汾州府不從

淵命。淵使建成世民將兵擊之。至西河城下。郡丞高

德儒閉城拒守。攻拔之。執德儒至軍門。世民數上之

李世民數  
斬高德儒

李淵自稱  
大將軍

曰。汝指野鳥為鸞以欺人主。取高官。見上吾興義兵。  
正為誅佞人耳。遂斬之。自餘不戮一人。秋毫無犯。各  
慰撫使復業。遠近聞之大悅。建成等引兵還晉陽。往  
返凡九日。淵喜曰。以此行兵。雖橫行天下可也。遂定  
入關之計。綱李淵自稱大將軍。開府置官屬。綱秋七  
月。李淵引兵至霍邑。代王侑遣郎將宋老生將軍屈  
突複通將兵拒之。目李淵以子元吉為太原太守。留  
守晉陽宮。帥甲士三萬發晉陽。誓眾移檄。諭以尊立  
代王之意。西突厥阿史那突厥三大奈儒名也亦帥其



衆以從。淵至西河。

見上

慰勞吏民。賑贍貧乏。至賈胡堡。

去霍邑。

今山西平陽府霍州

五十餘里。代王侑遣郎將宋老生。

帥精兵二萬屯霍邑。大將軍屈突通將驍果數萬屯

河東。

即平陽府

以拒淵。會積雨。淵不得進。劉文靜至突厥。

李淵以書招李密

見始畢可汗請兵。淵以書招李密。密自恃兵彊。欲爲

李密復李淵書

盟主。復書曰。所望左提右挈。戮力

并力也

同心。執子嬰

於咸陽。

見八卷

殲滅意也

商辛於牧野。

見二卷

淵得書

笑曰。密妄自矜大。非折簡

猶言半紙

可致。吾方有事關中。

隋西京今陝西西安府

若遽絕之。乃是更生一敵。不如卑辭推

徐觀蚌鷸之勢

李淵復李密書

獎以驕其志使為我塞成臯今河南開封府汜水縣之道綴拙

止東都隋東京今河南府之兵我得專意西征侯關中平

定據險養威徐觀蚌旁去鷸聿之勢以收漁人之功

蚌蛤也鷸知天將雨鳥也戰國策趙伐燕蘇代為燕

謂趙惠文王曰今者臣來過易水蚌方出曝而鷸啄

其肉蚌合而拊其喙鷸謂蚌曰今日不雨明日不雨

即有蚌脯蚌亦謂鷸曰今日不出明日不出必有死

鷸蚌鷸不肯相舍漁人得而并擒之今趙且伐燕未

燕趙久相支以敵大衆臣恐彊秦之為漁父也

為晚也乃復書曰天生烝民必有司牧當今為牧非

子而誰老夫年逾知命願不及此欣戴大弟攀鱗附

翼見十九卷二十七唯弟早膺圖籙圖讖符籙以寧兆民宗盟之長

隋書卷一百一十八



李世民不欲北還

屬籍見容復封於唐。斯榮足矣。密得書甚喜。以示將佐曰。唐公見推。天下不足定矣。自是信使往來不絕。雨久不止。淵軍中糧乏。劉文靜未返。或傳突厥與劉武周乘虛襲晉陽。淵欲北還。裴寂等亦以爲隋兵尚彊。未易猝下。李密姦謀難測。武周唯利是視。不如還救根本。更圖後舉。李世民曰。今禾菽被野。何憂乏糧。老生輕躁。一戰可擒。李密顧戀倉粟。未遑遠略。武周與突厥外雖相附。內實相猜。武周雖遠利太原。豈可近忘馬邑。見上十五本興大義。奮不顧身。以救蒼生。當

號令天下今遇小敵遽已班

也還師恐從義之徒一朝解體還守太原一城之地爲

賊耳。何以自全。建成亦以爲然。淵不聽。促余引發。世

民將復入諫會淵已寢不得入號哭於外聲聞帳中

淵名問之。世民曰。今兵以義動。進戰則克。退還則散。

衆散於前。敵乘於後。死亡無日。何得不悲。淵乃悟曰。

軍已發奈何。世民曰。右軍嚴而未發。左軍去亦未遠。

請自追之。淵笑曰。吾之成敗皆在爾。惟爾所爲。世民

乃與建成分道夜追左軍復還旣而太原運糧亦至



不必尊江  
都而立代

王  
李軌稱涼

綱  
武威

司涼州衛

司馬李軌起兵河西

衛等地

白

致堂胡氏曰武王代商數紂之罪則多矣楊皆有之而弑父殺兄則紂之所未有其當討無疑矣李淵聲其大逆不道之罪而舉兵討之則雖德非成湯亦無愧於自毫之載世民不必用宮入私待以劫父也不必詐為救書發民以鼓怨也不必稱臣突厥也不必尊江都而立代王也豪傑厚集其衆分擊二京義聲既震羣盜自下乃遣良將總銳師南指揚土則不逾旬時罪人斯得天下歸唐其孰能禦之惜乎世民有安天下之志才足以撥亂而無湯武反身之學劉文静智謀之士耳裴寂又出其下故雖乘時舉事不旋踵成功而用智詐為救書發民是年五月術違義理者多矣註音裴寂趣李淵起兵淵乃使劉文靜詐為救書發太原等郡民年二十已上為兵擊高麗由是入人情惻惻思亂者衆

薛舉稱秦帝

稱涼王。**[綱]**薛舉自稱秦帝。徙據天水。今陝西鞏昌府秦州。**[綱]**八

月。李淵與宋老生戰。斬之。遂取霍邑。見上。**[綱]**李淵克臨

汾。見上。絳郡。今平陽府絳縣。劉文靜以突厥兵至。遂下韓城。

今陝西西安府韓城縣。**[綱]**九月。武陽郡降李密。**[目]**武陽。今直隸大名府。

郡丞元寶藏。以郡降李密。密以為上柱國。寶藏使其

客鉅鹿。今直隸順德府。魏徵為啓謝密。且請帥所部南會諸

將取黎陽倉。見上。密喜。即以寶藏為魏州。即大名府。總管。

召徵掌記室。徵少孤貧。好讀書。有大志。落拓不事生

業。始為道士。寶藏召典書記。密愛其文辭。故名之。**[綱]**

李密召魏徵掌記室



徐洪客獻書李密

李密遣徐世勣取黎陽倉。李密遣徐世勣帥麾下  
五千人濟河。會元寶藏郝孝德共襲破黎陽倉。據之。  
開倉恣民就食。浹旬閒得勝兵三十餘萬。竇建德朱  
粲之徒亦遣使附密。泰山今山東濟南府泰安州道士徐洪客  
獻書於密。以為大衆久聚。恐米盡人散。師老厭戰。難  
可成功。勸密乘進取之機。因士馬之銳。沿流東指。直  
向江都。執取獨夫。號令天下。密壯其言。以書招之。洪  
客竟不出。莫知所之。

洪客之謀奇而正

致堂胡氏目洪客之謀奇而正。非惟李密不及。唐初諸人皆不及也。天下未嘗無才。或隱於屠

魏徵徐洪  
客皆隱黃  
冠中

販或寄於盜賊。洪客魏徵皆優游黃冠中而抱  
匡時之略懷濟世之具顧人不能知耳。然李密  
不足與言。豈洪客未知晉陽與師或無路以自  
達而於密發之邪。以此一言觀之其習中之奇  
固多矣。而迄不自見。豈其不及唐室之興而死  
歟。抑如黃石公魯仲連之流。嗚呼其可謂高  
士。晉黃石公漢張良遊下邳。圯上遇一老人授  
矣。註一編書曰。後十三年孺子見我濟北穀城  
山下黃石。即我矣。魯仲連  
見七卷八又十一又十七

**綱**馮

平翊今陝西西安府同州

太守蕭造降於李淵。淵留兵圍

河東。自引軍西。

**目**時河東

見上未下。

三輔

見二十二卷三十豪

傑至者。日以千數。淵欲引兵西趣

趨

長安

今西安府長安縣

猶豫未決。裴寂曰。屈突通擁大衆。憑堅城。吾捨之而



去。若進攻長安不克，退爲河東所踵，腹背受敵，此危道也。不若先克河東，然後西上。李世民曰：「不然。兵貴神速，吾席累勝之威，撫歸附之衆，鼓行而西，長安之人望風震駭，智不及謀，勇不及斷，取之若振槁葉耳。若淹畱自弊於堅城之下，彼得成謀，脩備以待，我坐費日月，衆心離沮，則大事去矣。且關中卽西蜂起之安府將未有所屬，不可不早招懷也。屈突通自守虜耳，不足爲慮。淵、雨從之。畱諸將圍河東，自引軍而西。綱李淵濟河，遣建成守潼關，世民徇渭北。」目李淵帥諸軍

濟河關中士民歸之者如市。淵遣世子建成劉文靜

帥王長諸等諸軍屯永豐倉守潼關。在西安府華陰縣東以備

東方兵。世民帥劉弘基等諸軍徇日徇渭。渭水出陝西臨洮

府渭源縣烏鼠山至北寇貫氏今山東東昌府冠縣長于志寧

安養實實云縣名尉顏師古及世民婦長孫兄長孫

無忌謁見淵於長春宮。在西安府朝邑縣志寧師古皆以文

學知名。無忌乃有才略。淵皆禮而用之。**綱**柴紹妻李

氏及李神通段綸各起兵以應李淵。關中羣盜悉降

於淵。**目**柴紹之赴太原也。見上其妻李氏淵女歸鄠戶

于志寧顏  
師古長孫  
無忌皆歸  
李淵



縣今西安府鄠縣別墅

汝田廬也

散家貲聚徒衆淵從弟神通

亦在長安亡入鄠縣山中與長安大俠史萬寶等起

兵以應淵神通衆踰一萬以令狐德棻焚爲記室左

親衛段綸娶淵女亦聚徒於藍田

今西安府藍田縣

得萬餘

人各遣使迎淵淵使柴紹將數百騎迎李氏關中羣

盜皆請降

**綱**冬十月李淵合諸軍圍長安

**目**淵進屯

馮翊

見上

世民所至吏民及羣盜歸之如流世民收其

豪俊以備僚屬李氏將精兵萬餘會世民於渭北與

柴紹各置幕

莫府

古者出征以幕帳爲府署故稱

號娘子軍隰城

房玄齡歸  
李世民

今山西汾州尉房玄齡謁世民於軍門世民一見如

舊識署記室參軍引為謀主玄齡罄竭心力知無不

為洲引軍西行十月至長安命諸軍進圍城綱蕭銑

蕭銑稱梁  
王

先上聲。後梁宣帝蕭  
譽曾孫。譽見三九卷七起兵巴陵。今湖廣岳州府巴陵縣。自稱

梁王綱十一月李淵克長安殺留守官陰世師等十

餘人目李淵克長安迎代王見上於東宮遷居大興

約法十二  
條悉除隋

殿後聽應與民約法十二條悉除隋苛何也禁淵之

苛禁

起兵也留守官發其墳墓毀其五廟至是衛文昇見上

已卒執陰世師等十餘人斬之餘無所問馬邑見上



十郡丞三源

今西安府三原縣

李靖素與淵有隙淵將斬之

靖大呼曰公興義兵欲平暴亂乃以私怨殺壯士乎

世民爲之固請乃捨之世民因召置幕府靖少負志

氣有文武才略其舅韓擒虎每撫之曰可與言將帥

之略者獨此子耳綱李淵立代王侑爲皇帝尊帝爲

太上皇

隋時年十三書尊帝何見唐兵之不以討賊名

唐之尊之也唐不正名自是綱目淵自爲大丞相

封唐王以建成爲唐王世子世民爲秦公元吉爲齊

公

明發鳴呼唐室之興庶幾乎正矣乃狃於見聞之故而蹈昔人竊篡之故智實有欲得之心而又立

李靖有文  
武才略

幼君以輔之。自為大丞相。加殊禮。然後取焉。曷不於起兵之初。傳檄天下。聲隋廣弒逆之罪。數其淫虐之惡。播告四方。與乎民間。罪之師。豈不名正而言順。理直而氣壯哉。則其得國也。雖不能如湯武之正。然亦庶幾矣。惜乎一時君臣不明大義。此其創業所以不。及漢高也。與然其得國比之於他。則固優矣。綱目詳而書之。其

**綱**十二月唐王淵追諡其大父虎為景王。

考 為元王夫人竇氏為穆妃。**綱**河池今陝西漢中府鳳縣太

守蕭瑀與以郡降唐。唐以瑀為禮部尚書封宋國公**綱**屈突通降唐。

堯君素守河東

唐遣通招河東。見上通守即今堯君素不下。

恭帝侑煬帝之孫太子昭之第三子昭卒封為代王

為鄴國公年十五歲而薨

隋恭帝侑二



**綱**戊寅

隋恭帝侑義寧二年恭帝侗皇泰元年唐高祖神堯皇帝李淵武德元年夏王竇建德

五鳳元涼王李軌安樂元楚王朱粲昌達元年是

歲并楚士弘魏定楊梁師都秦梁銑凡十二國隋楊

帝廣恭帝

侑秦魏亡春正月唐王淵自加殊禮

見三四

**綱**三月

隋宇文化及弑其君廣於江都立秦王浩**目**煬帝至

江都荒淫益甚酒卮支。飲。酒器。不離口然見天下危亂

亦不自安退朝則幅巾短衣徧歷臺閣蛤。汲汲顧景

外開大有

人圖儼

引鏡自照

日景唯恐不足常仰視天文謂蕭后曰外開大有人圖儼。然且共樂飲耳因引滿沉醉又引鏡自

照曰好頭頸誰當斫斫也。刀之后驚問故帝笑曰貴

賤苦樂更

耕

迭爲之亦復何傷。郎將趙行樞請以許

公字文化及爲主。化及聞之。變色流汗。旣而從之。郎

將司馬德戡遂引兵自玄武門入。直閣裴虔通逼帝

出宮。露刃侍立。帝歎曰。我何罪至此。賊黨馬文舉曰。

陛下違棄宗廟。巡遊不息。外勤征討。內極奢淫。四民

喪業。盜賊蜂起。專任佞諛。飾非拒諫。何謂無罪。帝曰。

我實負百姓。至於爾輩。榮祿兼極。何乃如是。虔通欲

遂弑帝。帝曰。天子死自有法。何得加以鋒刃。取鴆酒

見十一卷一來。文舉等不許。使令狐行達意殺之。化及



許善心死  
節  
許母

蕭銑稱皇  
帝

自稱大丞相。總百揆。以皇后令立秦王浩為帝。化及  
之入朝堂也。百官畢賀。蘇威亦往。給事郎許善心獨  
不至。化及殺之。其母范氏年九十二。撫柩不哭。曰。吾  
有子矣。不食而卒。唐主聞變。慟哭曰。吾北面事人。失  
道不能救。敢忘哀乎。追諡曰煬。**綱**唐王淵自為相國。  
加九錫。宇文化及發江都。**綱**隋吳興今浙江湖州府太守  
沈法興起兵。討宇文化及據江表十餘郡。**綱**夏四月。宇文  
化及至彭城。今江蘇徐州魏公密拒之。化及引兵入東郡。  
今山東東昌府**綱**梁王銑稱皇帝。**目**梁王蕭銑即帝位。置百

官徙都江陵

見三九卷七

脩復園廟引岑文本為中書侍

郎委以機密

**綱**五月唐王淵稱皇帝

**書**

漢唐皆以兵

漢高祖書即皇帝位此其書稱皇帝何唐之兵不以

討賊名也故綱目書自為大丞相封唐王書自加殊

禮書自為相國加九錫書稱皇帝與魏

晉以下無異矣九錫見十八卷二九

**目**隋恭帝禪

位於唐唐王即皇帝位推五運為土德色尚黃

**綱**唐

罷郡置州以太守為刺史

**綱**

隋越王侗稱皇帝

**目**東

都留守官聞煬帝凶問奉越王侗即位段達王世充

為納言元文都為內史令共掌朝政

**書**

昭烈之立也

侗煬嫡孫也煬弑而後即位則書稱皇帝何煬弑父

則賊也其子孫豈得與昭烈比哉

**綱**

目立書稱皇帝

隋恭帝

卷四一

隋恭帝

二六



武書隋主列國之也綱突厥遣使如唐。目時突厥彊盛。唐初起

兵。資其兵馬。前後餉遺去聲不可勝升紀。突厥恃功驕

倨。每遣使者至長安。多暴橫。唐主優容之。綱唐定律

令置學校。發秦人焚書。阮儒至漢始開學校。隋人廢明黜儒學。至唐始置學校。吾道固不以是

漢唐所以而隆。行而漢唐之所以立國者。有者。則有其本矣。故特書之。

目命裴寂。劉文靜等脩

律。令行之。置國子太學。四門生三百餘員。郡縣學亦

置生員。綱六月。唐以秦公世民為尚書令。裴寂為右

僕射。夜知政事。劉文靜為納言。竇威。蕭瑀為內史令。

綱唐立四親廟。追尊皇高祖。熙曰。宣簡公。皇曾祖。天賜曰。懿王。皇祖。虎曰。景皇帝。廟號太

祖皇考昞曰元皇帝廟號世祖  
妣皆為后諡妃竇氏曰穆皇后  
綱唐立世子建成為

皇太子世民為秦王元吉為齊王

秦王當有  
天下無疑

遂昌尹氏曰觀高祖之得天下大抵出於秦王  
也使無秦王高祖且不得安其祿位保其身家  
況有天下之大哉高祖有言今日破家滅軀亦  
由汝化家為國亦由汝是則唐三百年之基業  
肇於秦王其當有天下無疑也高祖於是時蓋  
召建成明諭以其基業所由興之故非世民無  
以有今日俾其明白推讓則建成有讓國之美  
世民無推刃之慚萬一建成不從則斷以大義  
封之遐阻之地世民苦遜則質以至誠察其由  
衷之言至再至三表裏面背始終無間然後定  
儲貳之位必至於兩全而後已則父子之道得  
兄弟之好終君臣之分定而國家安於磐石矣  
惜乎計不出此厥後骨肉  
相殘為古今之大惡悲夫



唐高祖錄  
隋子孫

唐高祖可  
謂知務

新錄易知錄

卷四

二

綱唐廢隋帝侑為鄴奚。故城在山東國公而選用

其宗室

范氏曰商之孫子侯服于周誅其罪人之身而立其子天下公義也況宗族乎高祖始即位而錄隋子孫由漢以來最為忠厚其享國長世宜哉

綱唐以孫伏伽為治書侍御史書書美從善也高祖初政即有此

書可謂知務矣目萬年縣今陝西西安府咸寧縣法曹孫伏伽上表曰

隋以惡聞其過亡天下故陛下得之然陛下徒知得

之之易而未知隋失之之難也謂宜易其覆轍務

盡下情凡人君言動不可不慎陛下今日即位明日

有獻鷄雛者此乃少年之事豈聖主所須哉又百戲

見上散樂見上卷亡國淫聲近太常於民間借婦女

裙襦如以充妓衣擬五月五日玄武門遊戲此亦非

所以為子孫法也夫善惡之習漸染易移太子諸

王參僚左右宜謹擇其人有門風不睦素無行義專

好奢靡以聲色遊獵為事者皆不可近自古骨肉乖

離以至收亡未有不因左右離開而然也唐主大悅

下詔褒稱擢為治書侍御史賜帛三百匹仍頒示遠

近綱魏公密敗宇文化及於黎陽見上奉表降隋綱

李密奉表  
降隋



卷四十一 二

李密降唐

字文化及  
稱許帝

朱粲稱楚

帝

涼王李軌

稱帝

秋七月。隋王世充殺元文都。隋主以世充為僕射。魏

公密如東都。不至而復。聞變而還。八月。秦主舉卒子仁

果稿立。綱唐立李軌為涼王。隋人葬煬帝於江都。

魏公密與隋戰。大敗。遂以其眾降唐。綱隋字文化

及弒秦王浩。自稱許帝。稱帝於魏縣屬直隸大名府。綱冬

十月。唐以李密為光祿卿。封邢今直隸順德府國公。綱朱粲

自稱楚帝。取唐鄧州。今河南南陽府鄧州。刺史呂子臧死之。綱

隋以王世充為太尉。十一月。涼王李軌稱帝。綱唐

秦王世民破秦兵。圍折塢。安府。薛仁果居此。城名在陝西。秦主

徐世勣  
賜姓李氏

仁果出降。綱徐世勣降唐。賜姓李氏。目徐世勣據李

密舊境未有所屬。魏徵隨密至長安。無所知名。乃自

請安集。山東唐主以爲祕書丞。乘傳轉去聲至黎陽。

見勸世勣早降。世勣遂決意西向。謂長史郭孝恪曰。

此民衆土地皆魏公有也。吾若獻之。是利主之敗。自

爲功。以邀富貴也。吾實恥之。今宜籍郡縣戶口士馬

之數。以啓魏公。使自獻之。乃使孝恪詣長安。唐主初

怪世勣無表。旣而聞之。歎曰。世勣不肯德。不邀功。真

純臣也。賜姓李氏。使孝恪與世勣經營虎牢。見三八

徐世勣  
純臣



以東綱唐斬薛仁果于市

法書

降書斬其之也于市又甚焉

綱唐遣

李密收撫山東目李密遇大朝會職當進食深恥之

退以告王伯當伯當曰天下事在公度內耳乃言於

唐主曰臣蒙榮寵曾無報效山東之衆皆臣故時麾

下請往收之憑藉國威取世充如拾芥耳羣臣皆以

密狡猾好反不可遣唐主不聽引密升御榻飲勞去並

甚厚又以王伯當爲副而遣之綱唐殺隋河東守

將堯君素

法書

隋守將何見君素之終身隋臣也前書堯君素不下此書隋河東守將而君素

之志節著矣然則曷爲不書死之廣爲弑逆其臣雖守節如君素不得以死節書所以深惡廣也殺君素

堯君素死節

者君素之左右耳書唐殺之何書唐殺之所以微著  
君素之節也是故其見殺也書隋其贈官也書隋  
贈官見四  
四卷七  
隋將堯君素守河東見上唐遣獨孤復

懷恩攻之不下招之不從遣其妻至城下謂之曰隋

室已亡君何自苦君素曰天下名義非婦人所知引

弓射石之應弦而倒久之食盡又聞江都傾覆左右

殺君素以降綱唐李密叛行軍總管盛彥師討斬之

綱唐以李素立為侍御史目有犯法不至死者唐主

特命殺之監察御史李素立諫曰三尺法簡書法律

故云王者所與天下共也法一動搖人無所措手足陛

盛彥師斬

李密

李素立等



卷之三

下甫創鴻業奈何棄法臣不敢奉詔唐主從之命所

司授以七品清要官擬雍州今陝西西安府司戶唐主曰要

而不清又擬祕書郎唐主曰清而不要遂擢授侍御

史綱唐以舞胡工樂安叱奴為散騎侍郎

恭帝侗煬帝之孫太子昭之第二子昭卒封為越王留守東都王世充等立以為帝在位一年為

世充所弑

綱已卯隋恭帝侗皇泰二年唐武德二年鄭王王世充開明元梁王沈法興延康元吳王李子

通明政元年是歲隋梁楚榮亡春二月唐定租庸

并楚袁定楊梁師都梁銑凡九國調見三九法每丁租二石絹二匹綿三兩白茲以

唐定租庸調法

實建德誅  
字文化及

王世充稱  
帝

唐

外不得橫斂。綱朱粲降唐。以為楚王。夏王建德

字文化及於聊城。今山東東昌府聊城縣誅之。綱唐以字文化

及為上儀同封德彝為內史侍郎。法書也。化及士及兄弟

賊士及德彝其黨也。夏誅之。唐綱隋王世充自稱鄭

王。加九錫。見十八卷二十九綱夏四月。鄭王世充稱帝。唐遣

安興貴襲執涼主軌以歸殺之。河西見上十九平。綱五月

鄭王世充弑隋主侗。綱世充以尚書裴仁基裴行儼

有威名忌之。仁基父子知之亦不自安。乃與尚書左

丞宇文儒童謀殺世充。復立隋主事泄。皆夷三族。齊



布席禮佛

唐置十二軍

王世暉蓋言於世充曰。儒童等謀反。正為隋主尚在

故也。不如早除之。世充遣人酖見十一卷之。隋主請與

太后訣。不許。乃布席禮佛曰。願自今以往。不復生帝

王家。飲藥不能絕。以帛縊意殺之。諡曰恭皇帝。綱秋。

七月。唐置十二軍。綱置十二軍。初析關中為十二道。今更置為十二軍。

分統關內即西諸府。皆取天星為名。每軍將副各一

人。督以耕戰之務。由是士馬精彊。所向無敵。綱八月。

唐鄴公見上薨。書薨何廢帝也。自晉書陳留王曹

有以卒書者。於是復見若唐者可謂近厚矣。其承世也宜哉。綱日前書選用其宗室。此書唐鄴公薨皆予

也。晉綱目。晉惠帝太安元年。書陳  
也。註。留王曹奐。與文。諡曰魏元皇帝。  
綱。唐殺其民。部尚

書劉文靜。目文靜自以材略功勳。在裴寂之右。而位

居其下。意甚不平。家數朔有妖。弟文起名巫廐。煙入

也。鎮勝。文靜有妾無寵。使其兄上變告之。見十九卷唐主

以文靜屬祝吏。秦王世民為之固請曰。昔在晉陽。見上

四。文靜先建非常之策。始告寂。知及克京城。克長任

遇懸隔。今文靜缺。厥望也。怨望則有之。非敢謀反。寂曰。

文靜材略過人。性復麤險。天下未定。留之必貽後患。

唐主素親寂。低回久之。卒用寂言。殺文靜。籍沒其家。



沈法興稱

梁王

李子通稱

吳帝

綱沈法興稱梁王於毗陵今江南李子通大業十一年據

海陵海陵今江稱吳帝於江都今揚州府綱唐以

李綱為太子少保初綱以尚書領太子詹事太子

建成以秦王世民功高忌之綱屢諫不聽乃乞骸骨

唐主罵曰卿為何潘仁長史大業十三年西域商胡

劫李綱為長史司竹園在陝西乃恥為朕尚書邪

綱曰潘仁賊也每欲妄殺人臣諫之則止為其長史

可以無愧陛下創業明主臣所言如水投石於太子

亦然臣何敢久汙天臺辱東朝東宮乎唐主曰知公

李綱直士

直士勉畱輔吾兒。以爲太子少保。唐主嘗考第羣臣。  
以綱及孫伏伽爲第一。謂裴寂曰。隋以主驕臣諂亡。  
天下朕卽位以來。每虛心求諫。唯綱盡忠款伏伽誠。  
直。餘人皆踵弊風。俛眉而已。豈朕所望哉。綱冬定楊。  
見上。將宋金剛取潯潯州。今山西平陽府翼城縣。唐遣秦王世。  
民擊之。綱十一月唐秦王世民擊宋金剛屯柏壁。城名。  
府在平陽絳州。



糾錄

易矢金

卷二

三三



尺木堂綱鑑易知錄卷四二

周之炯靜專

通鑑綱目定本

山陰吳乘權楚材同輯

周之燦星若

唐紀

高祖神堯皇帝

姓李名淵字叔德成紀人涼李暠之後祖虎事後周封唐公父昞襲封帝

仕隋為太原留守進爵為王尋即皇帝位都長安在位九年壽七十一歲帝舉兵晉陽席卷

長驅奄有關中掃除亂略六年之中海內咸服成功之速蓋由太宗也

綱庚辰

唐武德三年。是歲并楚夏定楊梁師都。春梁銑鄭梁法興吳凡九國定楊梁法興亡。



二月唐以封德彝為中書令。夏四月唐秦王世民

擊宋金剛破之定楊可汗見上卷十三武周及金剛皆走

死。宋金剛見上卷末將尉畏鬱二音遲複姓敬德尋相戰屢敗。

四月金剛食盡北走秦王世民追及尋相於呂州今山

西平陽府霍州大破之乘勝逐北一晝夜行二百餘里戰數

十合追及金剛於雀鼠谷在山西汾州府介休縣一日八戰皆

破之引兵趨介休金剛大敗敬德尋相舉介休及

永安今汾州府孝義縣降世民得敬德喜甚使將其舊眾八

千與諸營相參屈突通慮其為變驟以為言世民不

秦王得尉遲敬德喜甚

唐立老子廟

聽劉武周聞金剛敗大懼棄并

州今山西太原府

取并走突厥金剛亦走突厥皆死世民入并州武周

所得州縣皆入於唐綱五月唐立老子廟書立老子廟何

也議証國晉州今山西平陽府人吉善行自言於羊角山在平陽府

一名龍角山浮山縣東南見白衣老父曰為吾語唐天子吾為老

君吾而也祖也詔於其地立廟

華陽范氏曰唐祖老子由妖人之言而詔說者附會之高祖啓其原高宗明皇扇其風遂用方士之言而躋之於上帝卑天誣祖悖道甚矣

綱秋七月唐遣秦王世民督諸軍伐鄭國唐詔秦王



世民督諸軍擊世充。屈突通二子在洛陽。唐主謂通曰。今欲使卿東征。如卿二兒何。通曰。臣爲陛下盡節。但恐不獲死所耳。今得備先驅。二兒何足顧乎。唐主歎曰。徇義之士。一至此乎。**綱**九月。唐攻鄭轅。還轅。拔之。**目**秦王世民遣王君廓攻轅。轅關名在河南河南府登封縣轅轅嶺拔之。於是河南州縣相繼降唐。劉武周降將尋相等多叛去。諸將疑尉遲敬德囚之。屈突通殷開山言於世民曰。敬德驍勇絕倫。畱之恐爲後患。不如殺之。世民曰。敬德若叛。豈在尋相之後邪。還命釋之。引入。

表一時共  
事之情

公何相報  
之速

臥內賜之金曰丈夫意氣相期勿以小嫌介意吾終  
不信讒言以害忠良公宜體之必欲去者以此金相  
資表一時共事之情也已而世民以五百騎行上聲  
也戰地世充帥步騎萬餘猝至圍之單雄信引槊  
直趨趨世民敬德躍馬大呼橫刺雄信墜馬翼世民  
出圍更帥騎兵還戰屈突通引大兵繼至世充大敗  
僅以身免世民謂敬德曰公何相報之速也自是寵  
遇日隆綱冬十二月吳主子通敗梁兵取京口今江  
府杜伏威擊之子通敗走襲梁梁王法興走死南鎮



**[綱]** 辛巳

唐武德四年。是歲夏。鄭梁銑吳亡并楚梁。

師都凡三國。

春二月唐秦王

世民敗鄭主世充於穀水。

在河南府洛陽縣西北。

進圍洛陽。**[綱]**

三月夏王建德將兵救鄭。夏五月唐秦王世民大破

擒之。鄭主世充降。**[目]**世民入洛陽宮城觀隋宮殿。歎

曰。逞侈心窮人欲無亡得乎。命撤端門樓焚乾陽殿。

毀則天門闕廢諸道場。**[綱]**秋七月唐秦王世民至長

安獻俘。

孚

太廟赦王世充斬竇建德。**[目]**秦王世民至

長安。

唐都今陝西西安府長安縣。

俘。

囚也。

王世充竇建德獻於太廟。

詔赦世充為庶人徙蜀。

今四川成都府。

斬建德於市以天下

秦王歎隋宮殿

略定大赦百姓給復福一年復除也謂復世充未行

定州今直隸真刺史獨狐脩德矯敕殺之免脩德官

致堂胡氏曰王寶皆非唐之叛臣也而世充事

煬不忠致隋失天下又弑恭帝而自立淫刑以

逞虐及無罪其罪為重宜數其罪而戮之而待

建德以不死則刑有章矣而唐不然其不戮世

充也得非內省有疾與其誅建德也無乃畏惡

其能與已而使入殺世充豈所謂與衆棄之與

**綱**唐初行開元通寶錢書此後世錢文**目**隋末錢幣

濫薄至裁皮糊紙為之民間不勝升其弊至是初行

開元通寶錢徑八分積十錢重一兩輕重大小最為

折衷遠近便之**綱**竇建德故將劉黑闥起兵漳南見上



卷四書故將何子義也建德之死唐為已  
四法甚故黑闥得以起兵書而唐止書擊綱八月劉

黑闥據郿見上縣唐遣兵擊之綱唐徐圓朗舉兵應

徐圓朗稱魯王

劉黑闥圓朗先附李密密敗歸竇建德洛陽既平圓朗降唐拜充總管至是舉兵反自稱魯王

書圓朗書唐矣應黑闥則叛也曷為不以叛書黑闥法之舉義也圓朗應之亦義也於是降而復叛者皆

書叛惟圓朗書舉兵所以予綱冬十月唐以秦王世義也故世民之師止書擊綱

唐以秦王為天策上將

民為天策上將唐主以秦王世民功大前代官皆

不足以稱之特置天策上將位在王公上以世民為

秦王開館延文學之士

之開府置屬世民以海內浸平乃開館以延文學之

士杜如晦房玄齡虞世南褚亮姚思廉李玄道蔡允

恭薛元敬顏相時蘇勛于志寧蘇世長薛收李守素

陸德明孔穎達蛤蓋文達許敬宗為文學館學士分

為三番更耕日直宿世民暇日輒至館中討論文籍

或至夜分使庫直閤立本圖像褚亮為贊號十八學

士士大夫得預其選者時人謂之登瀛州神山名仙人所居見

入卷時府僚多補外官如晦亦出為陝州今河南河南府陝州

長史房玄齡曰餘人不足惜杜如晦王佐之才大王

欲經營四方非如晦不可世民驚曰微公言幾失之

即奏留之使叅謀帷幄軍中多事如晦剖決如流世

十八學士

登瀛州

房玄齡薦  
杜如晦



房玄齡獨  
收采人物

隔千里如  
面談

太宗非遵  
養之道  
高祖非教  
子之法

民每克城諸將爭取寶貨玄齡獨收采人物致之幕  
府。見上卷。每令入奏事。唐主曰。玄齡為吾兒陳事。雖  
隔千里。皆如面談。

瓊山丘氏曰。世傳十八學士登瀛洲。蓋本諸此。  
是時高祖在御。建成為太子。固無恙也。而高祖  
乃為秦王開府置屬。而秦王又自開館以延文  
學之士。欲何為哉。昔漢武帝為戾太子立博望  
苑。通賓客。從其所好。司馬氏猶謂正直難親。諂  
諛易合。此固中人之常情。宜太子之不終也。夫  
太子國之儲貳。國乃其國。君父為之立苑通賓  
客。謹微之君子。猶以為非。況太宗乃藩王。功高  
望重。處危疑之地。而可使之日夜聚徒黨乎。在  
太宗非遵養之道。在高祖非教子之法。而亦非  
所以安儲位定國家也。其後建成兄弟互相傾  
奪。太宗幾危。而所以為太宗設謀効力以成其

基業者皆天策府中之人。遂至推刃同氣。喋血  
禁庭。以貽百世之譏。太宗為三代以後之令主。  
而。不免有慙德音。喋同蹠音疊。博望苑見十  
亦。或。以。此。哉。註四卷三九。遵養見三二卷九  
喋。履也。漢文帝紀。今已  
誅諸呂。新喋血京師。

**綱**唐遣趙郡今直隸真王孝恭李靖伐梁。梁主銑降。

**目**唐發巴蜀見二十七兵以孝恭唐高祖從父兄子李靖統之。

自夔州今四川夔州府東擊蕭銑。時銑以罷兵營農。宿衛纔

數千人。聞唐兵至。倉猝徵兵未集。乃悉見現兵出拒

戰。李靖縱兵奮擊。大破之。乘勝直抵江陵。見上卷二六入

其外郭。大獲舟艦。咸上聲。靖使散之江中。諸將皆曰。

李靖散艦  
江中



破敵所獲當籍其用。奈何棄以資敵。靖曰。吾懸軍深入。若攻城未拔。援兵四集。吾表裏受敵。進退不獲。雖有舟楫。將安用之。今棄舟艦。使塞江而下。援兵見之。必謂江陵已破。未敢輕進。往來覘見上伺動淹旬月。吾必取之矣。援兵見之。果疑不進。遂圍江陵。銑內外阻絕。問策於岑文本。文本勸銑降。銑謂羣臣曰。天不祚梁。不可復支矣。必待力屈。則百姓蒙患。奈何。以我之故。陷百姓於塗炭乎。以太牢告廟。下令出降。孝恭入城。禁止殺掠。諸將言。梁將帥拒鬪死者。請籍其家。

以賞將士靖曰王者之師宜使義聲先路彼為其主

鬪死乃忠臣也豈可同之叛逆之科乎於是城中安

堵言安然如堵不驚動也秋毫無犯南方州縣聞之皆望風款

附孝恭送銑長安斬於都市以孝恭為荊州見同總

管靖為上柱國安撫嶺南今廣東道

華陽范氏曰蕭銑故梁子孫因隋之亂保據荆楚欲復先業非唐之叛臣也唐師伐之銑又以

百姓之故不忍固守而降然則唐初割據之主銑最無罪高祖誅之濫刑甚矣

**綱**十一月唐杜伏威擊李子通執送長安**綱**劉黑闥

取唐定州見上總管李玄通死之**目**劉黑闥執玄通

李玄通死節



劉黑闥稱  
漢東王

愛其才。欲以為大將。王通不可。故吏有以酒肉饋之者。王通飲醉。謂守者曰。吾能劍舞。願假吾刀。守者與之。王通舞竟。太息曰。大丈夫受國厚恩。鎮撫方面。不能保全所守。亦何面目視息世間哉。引刀自刺而死。

綱王午

唐武德五年。造元年。是歲

漢東王劉黑闥天楚亡并梁凡三國

春正月。劉

黑闥自稱漢東王。

都洛州。今直隸廣平府。

綱唐秦王世民破劉

黑闥於洛

明水。在廣平府城北。

黑闥奔突厥。

綱夏

六月。劉黑

闥引突厥寇山東。又寇定州。

綱冬

十月。唐遣齊王元

吉擊劉黑闥。淮陽王道。王與黑闥戰。敗沒。綱楚王林

建成元吉  
共傾世民

士弘卒。其衆遂散。綱十一月唐遣太子建成擊劉黑闥。目淮陽王道玄之敗也。山東震駭。劉黑闥盡復故地。進據洺州。見齊王元吉不敢進。而太子建成請行。故遣之。初唐主之起兵晉陽也。皆秦王世民之謀。唐主謂世民曰。事成當以汝爲太子。將佐亦以爲請。世民固辭而止。太子喜。酒色遊畋。齊王多過失。皆無寵。世民功名日盛。建成內不自安。乃與元吉協謀。共傾世民。曲意事妃嬪。諂諛賂遺。去聲無所不至。以求媚於上。世民獨不事之。由是諸妃嬪爭譽。平聲建成元吉而



令教與詔  
敕並行

短世民時世民元吉皆居別殿與上臺東宮晝夜通行無復禁限相遇如家人禮太子令秦齊王教與詔敕並行有司莫知所從唯據得之先後為定世民以

淮安王神通

高祖從弟

有功給田數十頃張婕

接

好

于婦官

婕言接幸於上

好美稱也求之手敕賜之神通以教給在先不與

婕好訴於唐主唐主怒以責世民復謂裴寂曰此兒

久典兵在外為書生所教非復昔日也秦王每侍

宴宮中思太穆皇后

高祖后竇氏

早終不得見唐主有天

下或歔歔

悲泣氣咽而抽息也

流涕唐主不樂諸妃嬪曰陛下

春秋高宜相嫉

魚

樂而秦王如此正是憎疾妾等。陛

下萬歲後妾子母必無子遺矣。皇太子仁孝陛下以

妾子母屬

祝

之必能保全唐主爲

去聲

之愴然由是無

易太子意待世民浸疎而建成元吉日親矣。太子中

允王珪洗馬

見三四卷七

魏徵

亦說太子曰。秦王功蓋天

下。中外歸心。殿下但以年長居東宮。無大功以鎮服

海內。今劉黑闥散亡之餘。衆不滿萬。以大軍臨之。勢

如拉

蠟

朽。殿下宜自擊之以取功名。因結納山東豪

傑。庶可自安。於是太子請行。

王魏說太  
子擊劉黑  
闥



王魏當勸  
避成以孝  
友

綱

卷之二

二

九

華陽范氏曰立子以長不以功以德不以衆古  
之道也晉獻公使申生伐東山里克入而諫君  
出而勉太子以孝君曰善處父子之間矣王  
魏輔導東宮當勸建成以孝友則儲位安矣秦  
王有定天下之功高祖苟欲立之能爲太伯不  
亦善乎乃使建成擊賊以立威結豪傑以自助  
是導之以爭也禍亂何從而息乎晉侯使太  
以王魏之賢猶如此況庸人乎匡子申伐東  
山事在左傳  
閔公二年

綱

十二月唐太子建成兵至昌樂

今直隸大名府南樂縣

劉黑

闥亡走

綱

癸未唐武德六年是歲

春正月漢東將諸葛德

威執其君黑闥降唐唐斬之  
且時太子遣騎將劉弘

唐廢十二軍

基追黑闥黑闥奔走不得休息至饒陽見上卷從者

纔百餘人餒甚黑闥所署刺史諸葛德威出迎饋之

食未畢勒兵執之送詣太子斬於洛州見上黑闥臨刑

歎曰我幸在家鉏菜為高雅賢輩所誤至此武德四年唐斬

寶建德建德故將高雅賢等詣劉黑闥謀為建德報仇黑闥方種蔬即殺耕牛與之飲食定計起兵漳南

**綱**二月徐圓朗走死其地皆入於唐**綱**唐廢參旗名軍

等十二軍見上卷**綱**夏高開道武德四年寇唐幽州

今直隸順天府敗走**綱**秋八月唐淮南道行臺僕射輔公祏

石反



置大中正

置州縣鄉

學

詣國子學

釋奠于先

梁師都至貞觀二年乃亡春正月置大中正。且依周齊舊制。州置  
 中正一人。掌知州內人物品量望第。以門望高者領  
 之。無品秩。**綱**二月置州縣鄉學。**目**詔州縣鄉皆置學。  
 有明一經以上者。咸以名聞。**綱**帝詣國子學。釋奠于  
 先聖先師。禮文王世子。凡始立學者。必釋奠于先聖  
 先師。謂但奠置所祭之物。而無尸及食飲  
 酬酢等事。以其主書學。臨書視恆也。此其書詣何  
 於行禮。非報功也。**法**書學。書不以人主之位加先聖也。故**綱**  
 下書先聖先師。則上書詣**音**詣孔子宅見**目**詔王公  
 子弟各就學。**綱**改大總管府為大都督府。三月初

下書先聖先師。則上書詣**音**詣孔子宅見**目**詔王公  
 子弟各就學。**綱**改大總管府為大都督府。三月初

定均田  
屬調法

定官制

夏四月。頒新律令。

綱初定均田。租庸調法。

見上卷

丁中

見下

之民。給田一頃。

百畝為頃

篤疾減什之

六。寡妻妾減七。皆以什之三為世業。八為口分。

人問入

十。每丁歲入租粟二石。調隨土地所宜。綾絹絕。

詩。絲經

東緯曰絕。泉音徒麻也。

布。歲役二旬。不役則收其傭。

通作庸。

日三

尺。

或綾或絹或絕或布。是之謂庸也。

有事而加役者。旬有五日免其

調。三旬租調俱免。水旱蟲霜為災。什損四以上免租。

損六以上免調。損七以上課役俱免。凡民貲業分九

等。百戶為里。五里為鄉。四家為鄰。四鄰為保。在城邑



唐之性蓋  
應

者為坊。田野者為村。食祿之家。無得與民爭利。工商  
雜類。無預士伍。男女始生為黃。四歲為小。十六為中。  
二十為丁。六十為老。歲造計帳。三年造戶籍。

華陽范氏曰。自井田廢而貧富不均。後世未有  
能制民之產。使之養生送死無憾者也。唐之法  
蓋庶幾焉。然為治者惟能省力役。薄稅斂。務本  
抑末。尚儉去奢。占田有限。困窮有養。使貧者足  
以自立。富者不得兼之。則均天下之本也。  
不然。雖有法令。徒文具而已。何益於治哉。

**綱** 秋閏七月。突厥入寇。遣秦王世民將兵禦之。**口** 或

說上曰。突厥所以屢寇關中者。以子女玉帛皆在長  
安故也。若焚長安而不都。則胡寇自息矣。上欲從之。

秦王世民諫曰。戎狄爲患自古有之。陛下以聖武龍興。所征無敵。奈何爲此。以貽四海之羞。爲百世之笑乎。願假數年之期。臣請繫頡<sub>賢入</sub>頡<sub>突厥可</sub>之頸。致之闕下。若其不効。遷都未晚。上曰善。建成與妃嬪共譖世民曰。突厥犯邊得賂則退。秦王外託禦寇之名。內欲總兵權。成其篡奪之謀。上大怒。召世民責之。會有司奏突厥入寇。上乃改容勞<sub>去</sub>勉。詔世民元吉將兵出<sub>今陝西</sub>豳州<sub>安府邠州</sub>以禦之。上每有寇盜。輒命世民討之。事平之後。猜嫌益甚。**綱**八月。突厥受盟而還。



張鎮周治舒州

綱乙酉八年春正月以張鎮周為舒州都督

舒州今江南安慶府人也到州就故宅召親故酣宴十日贈

以金帛泣與之別曰今日張鎮周猶得與故人歡飲

明日之後則舒州都督治平聲百姓耳自是犯法者一

無所縱境內肅然綱夏四月復置十二軍見上

詔祖孝孫定雅樂

綱丙戌九年春正月詔太常少卿祖孝孫定雅樂綱

二月初令州縣里閉輪里門各祀社稷綱夏沙汰僧道

傳奕請除佛法疏

目太史令傅奕上疏曰佛在西域言妖路遠漢譯胡

書以漢語翻譯西域經論見三四卷二五恣其假託使不忠不孝削髮

而揖人途不親遊手遊食易服以逃租賦偽啓三途天途色途

地途貪慾謬張六道天道人道魔道地獄遂使愚迷

妄求功德不憚科禁輕犯憲章且生死壽夭由於自

然刑德威福關之人主貧富貴賤功業所招而愚僧

矯詐皆云由佛竊人主之權擅造化之力其為害政

良可悲矣自漢以前初無佛法君明臣忠祚長年久

自立胡神羌戎亂華主庸臣佞政虐祚短梁武南北朝梁

梁武帝齊襄齊襄南北朝齊竟陵王子良篤好釋氏武帝殂中

融子良是為明鏡今天下僧尼數盈十萬請令匹配

以憂卒融子良

同益少口錄 卷四二 唐高祖 十三



地獄之設  
正爲是人

卽成十餘萬戶。產育男女。十年長養。一紀教訓。可以足兵。詔百官議之。惟太僕卿張道源是奕言。僕射蕭瑀曰。佛聖人也。而奕非之。非聖人者。無法當治其罪。奕曰。人之大倫。莫如君父。佛以世嫡而叛其父。以匹夫而抗天子。蕭瑀不生於空桑。城名。在河南開封府陳留縣南。帝王世紀云。伊尹生於空桑。郡志。伊尹母既孕。夢薤。薤曰。日若出水。卽東走。明日。日果出水。乃東走十餘里。顧其邑盡爲水。遂化爲空桑。有莘氏女採桑。得嬰兒於空桑中。卽此。乃遵無父之教。非孝者。無親。瑀之謂矣。瑀不能對。但合手曰。地獄之設。正爲是人。上亦惡沙門。僧名。道士苟避征徭。不守戒律。詔

命有司沙汰

言選擇之有所棄斥也晉孫綽與習鑿齒並行綽在前謂鑿齒曰沙汰之汰之瓦

礫在後鑿齒曰簸之揚之糠粃在前

天下僧尼道士女冠

亦作官謂女為道家者流

其精勤練行者遷大寺觀

貫

庸狠

委麤穢者勒還鄉

里綱六月太白經天秦王世民殺太子建成齊王元

吉立世民為皇太子決軍國事且世民既與建成元

吉有隙建成夜召世民飲酒而酖

見十一卷一

之世民暴

心痛吐血數升上謂世民曰首建大謀削平海內皆

汝之功吾欲立汝為嗣而汝固辭

見上

且建成為嗣

日久吾不忍奪也觀汝兄弟似不相容不可同處當



遣汝居洛陽自陝

見上

以東皆主之。仍建天子旌旗。

如梁孝王故事。

見十二卷二三

世民泣辭不許。將行。建成元

吉相與謀曰。秦王若至洛陽。不可復制。不如畱之長

安。則一匹夫取之易矣。乃密命數人上封事。

見四十卷二四

言秦王左右聞往洛陽。無不喜躍觀其志趣。恐不復

來。上乃止。元吉密請殺世民。秦府僚佐皆惶懼不知

所出。行臺郎中房玄齡謂長孫無忌曰。今嫌隙已成。

一旦禍機竊發。豈惟府朝塗地。乃實社稷之憂。莫若

勸王行周公之事。

謂誅管蔡

以安家國存亡之機正在今

日無忌以告世民名杜如晦謀之亦勸世民如王齡  
言建成元吉以秦府多驍將欲誘之使爲己用密以  
金銀器一車贈尉遲敬德敬德辭不受以告世民世  
民曰公心如山嶽雖積金至斗知公不移元吉乃譖  
敬德於上將殺之世民固請得免會突厥入塞建成  
薦元吉將兵擊之率更見三五丞王晁質密告世民  
曰太子語齊王吾與秦王餞汝於昆明池見十四使  
壯士拉蠟殺之因遣人說上授我以國而立汝爲太  
弟世民以告長孫無忌無忌等告世民先事圖之世



張公謹取  
龜投地

民歎曰。骨肉相殘。古今大惡。吾誠知禍在朝夕。欲俟其發。然後以義討之。不亦可乎。衆曰。大王以舜爲何如人。曰。聖人也。衆曰。使舜浚井而不出。塗廩而不下。則井中之泥。廩上之灰耳。安能澤被天下。法施後世乎。是以小杖則受。大杖則走。蓋所存者大也。世民命卜之。幕僚幕府僚屬張公謹自外來見之。取龜投地曰。卜以決疑。不疑何卜。卜而不吉。庸得已乎。世民意乃決。

於是太白再經天。

太白陰星。上公大將軍之象。出東當伏東。出西當伏西。過午爲經天。

謂晝見午上。爲不臣兵起也。

傳爽密奏太白見現

秦分。分野見四

秦王當有天下。上以其狀授世民。於是世民密奏建

成元吉。淫亂後宮。且曰。兄弟專欲殺臣。似為世充建

德。王世充報讎。臣今永違君親。亦實恥見諸賊於地

下。上驚報曰。明當鞠窮罪也問。汝宜早參。明日世民

帥長孫無忌等入。伏兵於玄武門。建成元吉俱入。參

至臨湖殿。覺有變。欲還。世民追射。石建成殺之。尉遲

敬德射殺元吉。上謂裴寂等曰。不圖今日乃見此事

當如之何。蕭瑀陳叔達曰。建成元吉本不豫義謀。又

無功於天下。疾秦王功高望重。共為奸謀。今秦王已



卷四十二

討而誅之陛下若處以元良委之國務無復事矣上曰此吾之夙心也遂立世民為皇太子軍國庶事悉

委太子處決然後奏聞

建成元吉諸子皆坐誅

華陽華氏曰建成雖無功太子也太宗雖有功  
藩王也太子君之貳父之統也而殺之是無君  
父也立子以長不以功所以重先君之世也故  
周公不有天下弟雖齊聖不先於兄久矣或以  
太宗殺建成元吉比周公誅管蔡者亦非也昔  
象日以殺舜為事而舜封之管蔡啓商以叛周  
而周公誅之其迹不同其道一也蓋象得罪於  
舜而已故封之管蔡將危周公以閒王室得罪  
於天下故誅之非周公誅之天下所當誅也後  
世王者不幸而有弟如象則當如舜封之是也  
不幸而有兄如管蔡則當如周公誅之是也舜  
處其常周公處其變此聖人所以同歸於道也

豈周公之

心

義重於死

不若亡之

太宗舉不

夫建成元吉非得罪於天下者也。則殺之者已  
之私耳。豈周公之心乎？或曰：使建成為天子，輔  
以元吉，則唐必亡矣。奈何？曰：古之賢人，守死而  
不為不義者，義重於死。故必若悖天理滅人  
倫而有天下，不若亡之愈也。故為唐史者，書曰  
秦王世民殺皇太子建成，齊王元吉，立世民為  
皇太子。然則太宗之罪著矣。

綱罷沙汰僧道。綱以魏徵王珪為諫議大夫。書書以

王珪何美世民也。於是世民決軍國事，舉不棄讎。可  
謂無我矣。故予之非讎事，雖毀諫議大夫，天子之諫  
臣也。世民自為太子耳，故為東宮官。今為天子，諫  
何議之有？雖曰世民以之，然君父在上，王魏安得自  
分彼我乎？綱目之書美世民也，果以事。目初洗馬，上  
讎為讎，則必書以為太子詹事主簿矣。目初洗馬，上  
九魏徵常勸建成早除秦王，及建成敗，太子名徵，謂



曰。汝何為離。聞我兄弟。徵舉止自若。對曰。先太子早

從徵言。必無今日之禍。太子改容禮之。引為詹事。東

官名。主簿亦名王珪。韋挺於鶴聲雖上州。今四川行都司。

責建成以兄弟不睦歸罪於皆以為諫議大夫。

王珪。韋挺。杜淹。並流。鶴州。華陽范氏曰。聞之程子。齊桓公殺公子糾。召忽死之。管仲不死。又相桓公以霸。而孔子取之。何哉。桓公子糾皆以公子出奔。子糾未嘗為世子也。桓公先入而得齊。非取諸子糾也。桓公既入而殺子糾。惡則惡矣。然納桓公者齊也。春秋書公伐齊。納糾。不稱子不當立者也。齊小白入于齊。以小白繫之。齊當立者也。是以管仲不得讎桓公。而得以之為君。建成為太子。且兄也。秦王為藩王。又弟也。王魏受命為東宮之臣。則建成其君也。豈有人殺其君而可北面為之臣乎。以

太宗亦非  
可事之君  
皆有罪

放宮女三  
千餘人

弟殺兄以藩王殺太子而奪其位太宗亦非可  
事之君矣食君之祿而不死其難朝以爲讎暮  
以爲君於其不可事而事之皆存罪焉臣之事  
君如婦之從夫也其義不可以不明苟不明於  
義而委質於人雖  
日不利吾不信焉

綱帝自稱太上皇。秋八月太子卽位。詔傳位於

太子。太子固辭不許。乃卽位。綱放宮女三千餘人。綱

立妃長孫氏爲皇后。皇后少好讀書。造次必循禮法。

上爲秦王。后奉事高祖。承順妃嬪。甚有內助。及爲后

務崇節儉。服御取給而已。上深重之。嘗與之議賞罰。

后辭曰。牝雞之晨。惟家之索。晨謂報曉。索蕭索也。周書牧誓篇。牝雞無晨。牝



雞之晨惟家之索以妾婦人安敢預聞政事固問之喻紂惟婦言是用也

終不對綱突厥入寇至便橋帝出禦之突厥請盟而

退畫寇未有書至者書至便橋深入也而帝六騎輕

退法出隔水責之固有以奪人之心矣書曰請盟而

盟者大異矣受盟見上十二回梁師都見上卷

所部離叛國寢衰弱乃朝於突厥勸令入寇於是頡

利見上突利亦突厥二可檀汗合兵十餘

萬騎寇涇州今陝西平涼府涇州頡利進至渭水便橋即西

見十一卷二十六之北遣其腹心執矢虜複思力名也入見以觀

虛實思力盛稱二可汗將兵百萬今至矣上讓責也其

背盟入寇。欲先斬思力。思力懼。乃囚之。上乃自與高  
士廉房玄齡等六騎。徑詣渭水。上與頡利隔水而語。  
責以負約。突厥大驚。皆下馬羅拜。俄而諸軍繼至。旌  
甲蔽野。頡利見思力不返。而上輕出。軍容甚盛。有懼  
色。上麾諸軍使卻。而布陳獨留。與頡利語。蕭瑀叩同  
馬固諫。上曰。突厥所以敢傾國而來者。以我國內有  
難。朕新卽位。謂我不能抗禦也。我若示之以弱。虜必  
放兵大掠。不可復制。故朕輕騎獨出。示若輕之。震曜  
軍容。使知必戰。虜旣深入。必有懼心。與戰則克。與和



則固制服突厥在此舉矣。是日頡利來請和。詔許之。  
斬白馬與盟於便橋之上。突厥引兵退。蕭瑀請曰。突  
厥未和之時。諸將爭欲戰。陛下不許。而虜自退。其策  
安在。上曰。突厥之衆多而不整。君臣之志惟賄是求。  
昨其達官皆來謁我。我若醉而縛之。因擊其衆。伏兵  
邀其前。大軍躡其後。覆<sub>福</sub>之如反掌耳。然吾卽位日  
淺。國家未安。一與虜戰。結怨既深。彼或懼而脩備。則  
吾未可以得志也。故卷甲韜戈。<sub>淡。餌</sub>以金帛。彼  
既得所欲。志必驕惰。然後養威俟釁。一舉可滅也。將

一舉而三  
天具

欲取之必固與之此之謂也。瑀謝不及。**綱**九月引諸

衛將卒習射於顯德殿。

**發**天子非教射之人。卒伍非

**明**進見之士。殿庭非習武之

所。一舉而三失具。**目**上日引諸衛將卒數百人習射

矣。故書以譏之。殿庭諭之曰。朕不使汝曹穿池築苑。專習弓矢。居閑

無事。則為汝師。突厥入寇。則為汝將。庶幾中國之民

可以少安。羣臣多諫曰。於律以兵刃至御在所者絞

今使將卒習射殿庭。萬一狂夫竊發。出於不意。非所

以重社稷也。上曰。王者視四海為一家。封域之內。皆

朕赤子。朕一一推心置其腹中。奈何宿衛之士。亦加



猜忌乎。由是人思自勵。數年之間。悉為精銳。綱定勳

臣爵邑。目上面定勳臣爵邑。命陳叔達唱名示之。且

曰。所敘未當。宜各自言。於是諸將爭功。紛紜不已。淮

安王神通

高祖從弟

曰。臣舉兵關西。首應義旗。

見上卷二二

今

房玄齡杜如晦等專弄刀筆。功居臣上。臣竊不服。上

曰。叔父雖首唱。舉兵蓋亦自營脫禍。及竇建德吞噬

山東。叔父全軍覆沒。劉黑闥再合餘燼。叔父望風奔

北。玄齡等運籌帷幄。坐安社稷。論功行賞。固宜居叔

父之先。叔父國之至親。朕誠無所愛。但不可以私恩

賞功不私

遷官不私  
舊

置弘文館

濫與勳臣同賞耳。諸將乃相謂曰。陛下至公。淮安王

尚無所私。吾儕柴輩也何敢不安其分。遂皆悅服。房

玄齡嘗言。秦府舊人未遷官者。皆嗟怨。上曰。王者至

公無私。故能服天下之心。設官分職。以為民也。當擇

賢才而用之。豈以新舊為先後哉。必也。新而賢舊而

不肖。安可捨新而取舊乎。今不論其賢不肖。而直也

言嗟怨。豈為政之體乎。**綱**禁淫祀。雜占。**綱**置弘文館

**明**發太宗初政。如日方升。纖翳不作。其清明氣象。至今

君臣論治之實。於下後之欲考太宗之治者。當於是焉觀之。則得其要領矣。**目**上於弘文



殿聚四庫書二十餘萬卷。置弘文館於殿側。選天下文學之士。虞世南。褚亮。姚思廉。歐陽詢。蔡允恭。蕭德言等。以本官兼學士。令更日宿直聽朝之隙。引入內殿講論前言往行。商確政事。或至夜分乃罷。又取三品以上子孫。充弘文館學生。○上謂侍臣曰。朕觀煬帝文辭奧博。亦知是堯舜而非桀紂。然行事何其相反也。魏徵對曰。人君雖聖哲。猶當虛己以受人。故智者獻其謀。勇者竭其力。煬帝恃其俊才。驕矜自用。故口誦堯舜之言。而身爲桀紂之行。曾不自知。以至覆

福

亡也。上曰：前事不遠，吾屬

帥也。○上問給事中

孔穎達曰：論語以能問於不

以多問於寡，有若無

實若虛，何謂也？穎達具釋其義以對。且曰：非獨匹夫

如是，帝王內蘊神明，外當玄默。若位居尊極，炫耀聰

明，以才陵人，飾非拒諫，則下情不通，取亡之道也。○

上曰：朕每臨朝，欲發一言，未嘗不三思。恐為民害，是

以不多言。知起居事杜正倫曰：臣職在記言，陛下之

言失，臣必書之。豈徒有害於今，亦恐貽譏於後。○上

謂侍臣曰：梁武帝惟談苦空，

說佛教也

侯景之亂，

見三十八卷三十

發言未嘗  
不三思



鳥翼魚水

黏書屋壁

君源臣流

百官不能乘馬。元帝爲周師所圍。猶講老子。百官戎服以聽。見三九卷六此深足爲戒。朕所學者。惟堯舜周孔之道。如鳥之有翼。魚之有水。失之則死。不可暫無耳。○上謂裴寂曰。比多上書言事者。朕皆黏嚴之屋壁。得出入省覽。數朔思治道。或深夜方寢。公輩亦當恪勤職事。副朕此意。○有上書請去佞臣者。上問佞臣爲誰。對曰。願陛下與羣臣言。或陽怒以試之。彼執理不屈者。直臣也。畏威順旨者。佞臣也。上曰。君源也。臣流也。濁其源而求其流之清。不可得矣。君自爲詐。何

剗肉充腹

以責臣下之直乎。朕方以至誠治天下。見前世帝王  
好以權譎小數接其臣下者。常竊恥之。卿策雖善。朕  
不取也。○上與羣臣論止盜。或請重法以禁之。上曰。  
朕當去奢省費。輕徭薄賦。選用廉吏。使民衣食有餘。  
則自不爲盜。安用重法邪。自是數年之後。海內升平。  
路不拾遺。外戶不閉。商旅野宿焉。○上嘗曰。君依於  
國。國依於民。刻民以奉君。猶割肉以充腹。腹飽而身  
斃。君富而國亡矣。朕常以此思之。不敢縱欲也。○上  
謂公卿曰。昔禹鑿山治水。而民無謗讟。譴也。怨者與



鑒秦止營  
殿

剖身藏珠

徙宅忘妻

人同利故也。秦始皇營宮室而民怨叛者。病人以利  
己故也。夫美麗珍奇。固人之所欲。若縱之不已。則危  
亡立至。朕欲營一殿。材用已具。鑒秦而止。王公已下  
宜體朕此意。由是二十年間。風俗素樸。衣無錦繡。公  
私富給。○上謂侍臣曰。吾聞西域貢古胡得美珠。剖  
身以藏之。有諸。侍臣曰。有之。上曰。人皆知笑彼之愛  
珠而不愛其身也。吏受賕求○以財枉抵法。與帝王  
御奢欲而亡國者。何以異於胡之可笑邪。魏徵曰。昔  
魯哀公謂孔子曰。人有好忘者。徙宅而忘其妻。孔子

裴矩佞隋  
忠唐

曰又有甚者。樂紂乃忘其身。亦猶是也。上曰。然。朕與

公輩宜戮力。

井力也。

相輔。庶免為人笑也。○上患吏多

受賕。密使左右試賂之。有司門令史。

司門令史主通籍出入禁門。

受絹一匹。上欲殺之。民部尚書裴矩諫曰。為吏受賂。

罪誠當死。但陛下使人遺。

去聲。

之而受。乃陷人於法也。

恐非所謂道之。以德齊之以禮。上悅。告羣臣曰。裴矩

能當官力爭。

評。

不為面從。儻每事皆然。何憂不治。

司馬溫公曰。古人有言。君明臣直。裴矩佞於隋。而忠於唐。非其性之有變也。君惡聞其過。則忠化為佞。君樂聞直言。則佞化為忠。是知君者表也。臣者影也。表動則影隨矣。

註音裴矩佞隋。



見四十卷末又  
四一卷二又三

**綱**冬十月詔追封故太子為息隱王齊王為海陵刺

王

王改葬之**目**後詔復息

今河南汝寧府息縣

隱王為隱太子

海陵

今江南揚州府泰州

刺王號巢

今江南廬州府巢縣

刺王

**綱**立子承

乾為皇太子

承乾生八年矣

**綱**

詔民遭突厥暴踐者計口給

遣使點兵

**綱**

十二月遣使點兵

**法**

書遣使何法議非事也

**目**上厲精求治

數

朔

引魏徵入臥內訪以得失徵知無不言上皆欣

然嘉納上遣使點兵封德彝奏中男雖未十八其壯

大者亦可并點上從之敕出徵固執以為不可上怒

魏徵諫失  
信

名而讓責也之。對曰：夫兵在御之得其道耳，何必多取  
細弱以增虛數乎？且陛下每云：吾以誠信御天下。今  
卽位未幾，失信者數矣。上愕然曰：何也？對曰：陛下初  
詔悉免負逋官物，有司以爲負秦府國司者非官物，  
徵督如故。陛下以秦王升爲天子，國司之物非官物，  
而何？又曰：關中免二年租調。見上關外給復。見上一  
年。旣而繼有敕云：已役已輸者，以來年爲始，散還之。  
後方復更徵百姓，固已不能無怪。今復點兵，何謂來  
年爲始乎？又陛下所與共治天下者，在於守宰。至於



點兵獨疑其詐。豈所謂以誠信為治乎。上悅從之。**綱**

以張玄素為侍御史。**目**上聞景州今直隸河錄事叅

張玄素請  
擇臣分任

軍張玄素名。名見問以政道。對曰。隋主自專庶務不

任羣臣。以一人之智決天下之務。借使得失相半。乖

謬已多。下諛上蔽。不亡何待。陛下誠能擇羣臣而分

任以事。高拱穆清而考其成敗。何憂不治。上善其言。

擢為侍御史。**綱**以張蘊古為大理丞。**目**前幽州今直

張蘊古上  
大寶箴

天記室張蘊古上大寶箴。易繫辭下傳。聖人之大寶。日位。此箴為有位之誠。故

名其略曰。聖人受命拯整溺拯救亨屯。肫。亨。故以

一人治天下不以天下奉一人。又曰。壯九重。君門九重於

內所居不過容膝。彼昏不知。瑤其臺而瓊其室。瑤作瑤臺

紂作瓊室羅八珍。內見禮記則篇於前。所食不過適口。惟狂罔念

丘其糟而池其酒。紂作酒池。糟隄十里。紂為酒池。回盤糟丘。又曰。勿沒沒

而闇。勿察察而明。雖冕旒蔽目。見一卷而視於未形。

雖黻。餘上聲纁。纁。黃色。纁。綿也。以黃綿為圓。用塞耳。組挂之於冕。當兩耳旁。即所謂

充纁。見同上。而聽於無聲。上嘉之。賜以束帛。除大理丞。

太宗文武皇帝。名世民。高祖次子。方四歲有書生見之。曰。龍鳳之姿。天日之表。其年幾冠。

必能濟世安民。書生辭去。乃採其語。名世民。年十八。舉義兵。高祖得天下。皆其功也。初封秦王。



太子齊王每欲殺之乃為所殺高祖因傳位焉  
在位二十三年壽五十三歲而崩帝除隋之  
亂比述湯武致治之美庶幾成康自古功德兼  
隆由漢已來未之有也惜其好尚功名而不及  
禮樂父子兄弟  
之閒慙德多矣

**綱**丁亥太宗文武皇帝貞觀元年春正月宴羣臣

樂  
秦王破陳

上宴羣臣奏秦王破陳樂

太宗為秦王時破劉武周軍中作此樂曲舞用樂工

百二十八人披銀甲執戟而舞後更號神功破陳樂貞觀七年更名七德舞

上曰朕昔受

委專征民間遂有此曲雖非文德之雍容然功業所

由不敢忘也封德彝曰陛下以神武平海內文德豈

足比乎上曰戡堪亂以武守成以文文武之用各隨

制諫官隨宰相入閣議事

卿從流

其時卿謂文不及武斯言過矣綱制諫官隨宰相入閣蛤議事法書諫之事也若此則無不及綱更定律令綱

命吏部尚書長孫無忌與法官更議定律令寬絞刑

五十條為斷短右趾上曰肉刑廢已久見十二宜有

以易之於是有司請改為加役流流配而加流三千

里居作三年所謂加從之綱以戴胄為大理少卿綱

上以選人多詐冒資蔭敕令自首去聲不首者死未幾

有詐冒事覺者上欲殺之胄奏據法應流上怒曰卿

法而使朕失信乎對曰敕者出於一時之喜怒



忍水急而  
存大信

賜絹二

分天下  
爲一道

法。國家所以布大信於天下也。陛下忿選人之多  
詐。故欲殺之。既而知其不可復斷之以法。此乃忍小  
忿而存大信也。上曰。卿能執法。朕復何憂。胄前後犯  
顏執法。言如涌泉。上皆從之。天下無冤獄。將軍長孫  
順德受人餽絹。事覺。上於殿庭賜絹數十匹。大理少  
卿胡演以爲不可。上曰。彼有人性。得絹之辱。甚於受  
刑。如不知愧。一禽獸耳。殺之何益。綱。二月。分天下爲  
十道。唐末豪傑據地。自相雄長。唐興。相帥來歸。上  
皇割置州縣以寵祿之。上以民少吏多。悉併省之。對

皇后帥命  
婦親蠶

京官更宿  
內省

山川形便分爲十道曰關內以京官遙領河南治陳畱今

府陳河東治晉陽今山西河北治魏郡今直山南治

中今陝西隴右治西平今陝西淮南治廣陵今江江

南治吳郡今江劍南治蜀郡今四嶺南治南海今廣

綱三月皇后帥內外命婦親蠶內命婦謂三夫人以

妻也外命婦有七階淑人碩書書親蠶何美重本也

人令人恭人宜人安人孺人漢綱目美重本故詔具

親耕桑禮儀書后親蠶西郊書皇后帥命婦註桑見

十二卷五后親蠶見三六卷八祀先蠶綱閏月命京

官五品以上更宿中書內省明發太宗是時切於圖治

唐太宗

太宗



更宿內省訪問得失惟日不足

**直**

上謂太子少師蕭

瑀曰朕少得良弓十數自謂無以加近以示弓工乃

曰皆非良材木心不正則脈理皆邪弓雖勁

敬

而發

矢不直朕以弓矢定四方識之猶未能盡況天下之

務乎乃命京官五品以上更

耕

宿中書內省數

朔延

見問民疾苦政事得失

**綱**

夏六月封德彝卒

**法書**

不書官削

也

**直**

初上令封德彝舉賢久無所舉上詰

乞

之對曰

非不盡心但於今未有奇才耳上曰君子用人如器

各取所長古之致治者豈借才於異代哉正患已不

能知安可誣一世之人。德彝慙而退。綱以蕭瑀為左

僕射。

夜

目上與侍臣論周秦脩也。長短。蕭瑀對曰。紂為

不道。武王征之。周及六國無罪。始皇滅之。得天下雖

同。立心則異。上曰。公知其一。未知其二。周得天下。增

脩仁義。秦得天下。益尚詐力。此脩短之所以殊也。蓋

取之。或可以逆。而守之。不可以不順。故也。瑀謝不及。

華陽范氏曰。取之以仁義。守之以仁義者。周也。取之以詐力。守之以詐力者。秦也。此周秦之所以異也。太宗以湯武之征伐為逆取。而不知征伐順天應人。所以為仁義也。其曰取之。或可以逆。亦非也。既謂之逆。則無時而可矣。



綱山東旱詔所在賑卹蠲其租賦。綱秋七月以長孫

無忌為右僕射。目無忌后與上為布衣交加以外戚

有安命功上委以腹心欲相者數朔矣皇后固請曰

妾備位椒房見十二貴寵極矣誠不願兄弟執國政

呂霍上官漢高后時呂產呂祿昭帝時上官桀上官

可為切骨之戒

誅可為切骨之戒上不聽卒用之。綱九月宇文士及

罷御史大夫杜淹參預朝政書他官參預政

綱冬十月嶺南酋長馮盎遣子入朝。目初盎與諸酋

長迭相攻擊諸州皆奏盎反上欲發兵討之魏徵諫

一言勝十萬師

曰嶺南見上瘴癘險遠不可以宿大兵且告者已數年

而益兵未嘗出境此不反明矣若遣信臣示以至誠

可不煩兵而服上乃遣使諭之益遣其子智戴隨使

者入朝上曰魏徵一言勝十萬之師不可不賞乃賜

絹五百匹綱十二月詔殿中侍御史崔仁師按獄青

州綱青州今山東有謀反者逮捕見十九卷滿獄詔崔

仁師等覆按之仁師至悉去桎械與飲食湯沐止坐

其魁首十餘人孫伏伽茄謂仁師曰足下平反見十卷

三者多恐人情貪生見其徒侶得免未肯甘心耳仁



師曰。凡治獄。當以仁恕為本。豈可自規也。免罪。知其

免而不為。去聲伸邪。萬一誤有所縱。以一身易十囚之

崔公平恕無枉

死。亦所願也。及敕使至。更訊諸囚。皆曰。崔公平恕無

枉。請速就死。無一人異辭者。綱以孫伏伽為諫議大

孫伏伽諫好騎射

夫。曰。上好騎射。孫伏伽諫以為天子居則九門。楚辭九辯

君之門以九重行則警蹕。見十一卷四非欲苟自尊嚴。乃為社稷

生民之計也。夫走馬射石。乃少年諸王所為。非今

日天子事業也。既非所以安養聖躬。又非所以儀刑

後世。臣竊為陛下不取。上悅。以伏伽為諫議大夫。

見形必資  
明鏡

上神采英毅羣臣進見皆失舉措上知之每假以辭  
色嘗謂公卿曰人欲自見其形必資明鏡君欲自知  
其過必待忠臣苟其君懷闕闕也諫自賢其臣阿諛順  
旨君既失國臣豈能獨全如隋煬帝虞世基者宇文  
弑煬帝又殺虞世基等世基弟世南化及  
抱世基號泣請以身代化及不許亦足以觀矣公  
輩宜用此為戒事有得失無惜盡言也綱令吏部四  
時選集併省吏員且隋世選人十一月集至春而罷  
人患其期促至是吏部侍郎劉林甫奏四時聽選隨  
闕注擬人以為便唐初士大夫以亂離之後不樂仕



進官員不充州府多以赤牒補官至是皆勒赴省選  
集者七千餘人林甫隨才銓敘各得其所時人稱之

上謂房玄齡曰官在得人不在員多遂併省之畱文

武總六百四十三員綱徵隋祕書監劉子翼不至法書

劉子翼可謂知所先

書不至何美子翼也子翼亂則進治則退竭為美之

子翼親逢盛世甘於不仕以奉老母可謂知所先者  
或以為譏目子翼有學行性剛直朋友有過常面責

劉四罵人不恨

之李百藥常稱劉四雖復罵人人終不恨是歲有詔  
徵之辭以母老不至綱以李乾祐為侍御史綱上見

卷令裴仁軌私役門夫上怒欲斬之殿中侍御史李

敕勒十五部

乾祐諫曰。法者陛下所與天下共也。今仁軌坐輕罪而抵極刑。臣恐人無所措手足矣。上悅。從之。以乾祐

為侍御史。上嘗語及關中山東人。意有同異。殿中侍

御史張行成曰。天子以四海為家。令有東西之異。宗

人以隘。上善其言。厚賜之。綱。鴻臚卿鄭元璫。孰還自

突厥。目初突厥既疆。敕勒元魏時號高車部。後號敕勒。又號鐵勒。諸部

分散。有薛延陀駝回紇痕入聲。後號回鶻。都播一日都波。骨利幹

多濫葛溫或作覽。同羅僕固一日拔野古。或作拔曳固。

思結渾魏斛薛奚結阿跌一日訶陁。或曰契。契。弱。跌。跌。音。頡。



一日契

白霄

習文心人聲

等十五部皆居磧

迹。虜中沙漠日磧

頡利

見上

政亂薛延陀回紇等叛之。頡利不能制。會

大雪羊馬多死民大飢。鴻臚卿鄭元璫使還言於上

曰。戎狄興衰專以羊馬為候。今突厥民飢畜

休去聲

瘦

將亡之兆也。羣臣多勸上乘閒

閑。乘閒處

擊之。上曰。背

盟不信利災不仁乘危不武。縱其種落盡叛六畜

牛羊

馬犬豕雞無餘朕終不擊必待有罪然後討之

尺木堂綱鑑易知錄卷四三

周之炯靜專

通鑑綱目定本

山陰吳乘權楚材同輯

周之燦星若

唐紀

太宗文武皇帝

綱戊子二年春正月長孫無忌罷

無忌自懼滿盈固求遜位皇后又內

為之請上

綱三月詔自今大辟

關並令兩省四品及

尚書議之

書法

美慎罰也

目大理進每月因帳上命自今大



辟也死刑皆令中書門下四品已上及尚書議之庶無

冤濫既而引囚至岐州今陝西鳳翔府刺史鄭善果上曰善

果官品不卑豈可使與諸囚為伍自今三品以上犯

罪聽於朝堂俟進止綱關內旱饑赦天下目關內郎

中見上旱饑民多賣子詔出御府金帛贖以還之上

嘗謂侍臣曰古語有之赦者小人之幸君子之不幸

一歲再赦善人暗因去聲噫汗去聲夫養稂郎莠有聲

有罪者  
賊良民

俱害苗草者害嘉穀赦有罪者賊良民故朕即位以來不

欲數朔赦恐小人恃之輕犯憲章故也至是以連年

太宗有志於民

永早赦天下。且曰：使年豐穀稔，任天下又安移災朕身是所願也。所在有雨，民大悅。

遂昌尹氏曰：春秋僖二年冬書不雨，三年春書不雨，夏書不雨，每時而書不雨者，君子謂其有志於民也。文公書自十二月不雨至于秋七月，又書自正月不雨至于秋七月，歷三時而總書不雨者，君子謂其無志於民也。太宗是時君德清明，勤卹民隱，每有饑旱，輒書於冊，去夏嘗詔山東賑卹蠲租，今又特降赦令，其愛民之心可謂切矣。綱目書之，亦以見太宗之有志於民，而非特紀其災異也。下書畿內蝗亦然。

**綱**夏四月癸亥突利可汗見上卷請入朝。夏初突厥

頡利可汗以薛延陀回紇等叛。見上卷遣突利討之，敗



祖孝孫奏  
唐雅樂

還拘而撻之。突利由是怨。表請入朝。上謂侍臣曰。嚮者突厥方彊。憑陵中夏。用是驕恣。以失其民。今困窮如是。朕聞之。且喜且懼。何則。突厥衰。則邊境安。故喜。然朕或失道。亦將如此。卿曹不惜苦諫。以輔不逮。**綱**六月。祖孝孫奏唐雅樂。初。上皇命祖孝孫定雅樂。見上卷孝孫以爲梁陳之音多吳楚。周齊之音多胡夷。於是考古聲。作唐雅樂。至是奏之。上曰。禮樂者。聖人緣物以設教。治之隆替。豈出於此。杜淹曰。齊之將亡。作伴侶曲。陳之將亡。作玉樹後庭花。其聲哀思。四

思悲也。禮樂記亡。聞者悲泣。豈可謂治不在樂乎。上  
國之音哀以思。曰悲喜在心。非由樂也。將亡之政。民必愁苦。故聞樂  
而悲耳。今二曲具存。為公奏之。公豈悲乎。魏徵曰。樂  
在人和。不在聲音也。**綱**畿其內蝗。且上入苑中見蝗  
掇。端入聲。取也。數枚祝之曰。民以穀為命。而汝食之。寧食  
吾之肺腸。欲吞之。左右諫曰。惡物或成疾。上曰。朕為  
民受災。何疾之避。遂吞之。是歲蝗不為災。**綱**秋九月。  
詔非大瑞不得表聞。且上曰。比見羣臣屢上祥瑞。夫  
家給人足而無瑞。不害為堯舜。百姓愁怨而多瑞。不



害為桀紂。後魏之世。吏焚連理木。煮白雉而食之。豈

足為至治乎。乃詔自今大瑞聽表聞。餘申所司而已。

嘗有白鵲巢於寢殿槐上。合歡如腰鼓。兩巢連合歡。適而中細其

形如腰鼓。然腰鼓本胡鼓。廣首纖腰。兩頭擊之。聲相應和。左右稱賀。上曰。我常笑

隋煬帝好祥瑞。瑞在得賢。此何足賀。命毀其巢。**綱**出

宮女三千餘人。**目**天少雨。中書舍人李百藥言。往年

雖出宮人。見上卷無用者尚多。陰氣鬱積。亦足致旱。

上命簡出之。前後三千餘人。**綱**冬十月。殺瀛州。今河北

府刺史盧祖尚。**目**上以盧祖尚廉平。公直。欲遣鎮撫

瑞在得賢

出宮女三

千餘人

交趾

今安南國交州府

祖尚既謝而復悔之以疾辭上遣杜

如晦等諭旨祖尚固辭上大怒曰我使人不行何以

為政命斬於朝堂尋悔之他日與侍臣論齊文宣帝

之為人魏徵對曰文宣狂暴然人與之爭事理屈則

從之有青州

今山東青州府

長史魏愷使梁還除光州

今山東萊

州府長史不肯行文宣怒而責之愷曰臣先任大州有

勞無過更得小州所以不行文宣赦之此其所長也

上曰然然者盧祖尚雖失人臣之義朕殺之亦為太

暴由此言之不如文宣矣命復其官蔭徵容貌不逾



鵠死懷中

五刑事

中人而有膽略。善回人主意。每犯顏苦諫。或上怒甚。亦爲之霽。祭也。威上嘗得佳鵠。自臂之。望見徵來。匿懷中。徵奏事故久。鵠竟死懷中。**綱**十一月。以王珪爲侍中。**目**故事。軍國大事。則中書舍人各執所見。雜署其名。謂之五花判事。中書侍郎。中書令。省審之。給事中。黃門侍郎。駁正之。至是。上謂珪曰。國家本置中書門下。以相檢察。正以人心所見。互有不同。苟論難往來。務求至當。捨已從人。亦復何傷。比來。或護己短。遂成怨隙。或避私怨。知非不正。順一人之顏情。爲兆民

之深怨。此乃亡國之政。煬帝之世是也。卿曹各當徇公忘私。勿雷同也。後又謂侍臣曰。中書門下機要之司。詔敕有不便者。皆應論執。比來惟嗜順從。不聞違異。若但行文書。則誰不可爲。何必擇才也。房玄齡等皆頓首謝。○上又嘗謂珪曰。開皇隋文帝年號中。旱。隋文帝帝不許賑給。而令百姓就食山東。比至末年。天下儲積。可供五十年。煬帝恃之。卒亡天下。但使倉庾之積。足以備凶年。其餘何用哉。○上嘗問珪曰。近世治不及古。何也。對曰。漢世尚經術。宰相多用儒士。故風俗



近世重文  
輕儒

王珪諫  
蜀人

風名屏風

紉金易文金

卷四三

五

淳厚近世重文輕儒參以法律此治化之所以益衰也。上然之。○上閒居與珪語有美人侍側指示珪曰。此廬江王瑗願李瑗之姬也。瑗殺其夫納之。珪避席曰。陛下以廬江納之為是邪非邪。上曰。殺人而取其妻。卿何問是非。對曰。昔齊桓公知郭公之所以亡由善善而不能用見四卷三然棄其所言之人謂齊桓棄其所言之父老而不用。管仲以為無異於郭公。今此美人尚在左右。臣以為聖心是之也。上悅。即出之。綱詔舉堪縣令者。日上曰。為朕養民者惟在都督刺史。朕常疏數記其名。

奴告主者斬

耕藉東郊

於屏風。坐臥觀之。得其在官善惡之跡。皆注於名下。以備黜陟。縣令尤為親民。不可不擇。乃命五品以上各舉堪為縣令者。以名聞。**綱**詔自今奴告主者斬之。書特筆也。太宗此詔其闕。世於風教大矣。故謹書之。**目**上曰。比有奴告主反者。夫謀反不能獨為。何患不發。何必使奴告之邪。自今奴告主勿受。仍斬之。

**綱**己丑三年春正月耕藉。見十一卷二二東郊。**綱**二月以房

玄齡杜如晦為僕射。夜魏徵守秘書監參預朝政。**目**

上謂玄齡如晦曰。公為僕射。見八卷八當廣求賢人。隨才



授任。比聞聽訟日不暇。給安能助朕求賢乎。因敕尚

書細務屬祝也左右丞。惟大事當奏者。乃關僕射。○

上又嘗謂玄齡等曰。為政莫若至公。昔諸葛亮竄廖

立李嚴後更於南夷。亮卒而二人哭泣有死者。見二

非至公能如是乎。又高頴相隋公平識治體。隋

之興亡。繫頴存沒。朕慕前世之明君。卿等不可不法

前世之賢相也。○玄齡明達史事。輔以文學。夙夜盡

心。惟恐一物失所。用法寬平。聞人有善。若已有之。不

以求備取人。不以己長格物。猶言律人與如晦引拔士類。

高亮至

高頴公平  
識治體

唐世賢相  
推房杜

常如不及。上每與玄齡謀事，必曰：「非如晦不能決。」及如晦至，卒用玄齡之策。蓋玄齡善謀，如晦能斷也。二人同心，徇國。故唐世稱賢相，推房杜焉。○玄齡監脩國史，上語去聲之曰：「漢書載子虛、上林賦，二賦司馬相如作。浮華無用。」其上書論事，詞理切直者，朕從與不從，皆載之。○或告魏徵私其親戚，上使御史大夫溫彥博按之。無狀。上以徵不避嫌疑，讓責也。之曰：「自今宜存形迹。」徵曰：「君臣同體，宜相與盡誠。若但存形迹，則國之興喪未可知也。」臣不敢奉詔。上曰：「吾已悔之。」徵再拜曰：



魏徵願為  
良臣勿為  
忠臣

臣幸得奉事願使臣為良臣勿使臣為忠臣。上曰忠  
良有異乎。對曰。稷契臯陶君臣協心俱享尊榮所謂  
良臣。龍逢旁比干面折廷爭諍身誅國亡所謂忠臣。  
上悅。○上問魏徵曰。人主何為而明何為而暗。對曰。  
兼聽則明偏信則暗。昔堯清問下民舜明目達聰故  
共鯀驩苗不能蔽也。秦二世偏信趙高以成望夷之  
禍。梁武帝偏信朱异以取臺城之辱。隋煬帝偏信虞  
世基以致彭城閣之變。是故人君兼聽廣納則貴臣  
不得壅蔽而下情得以上通也。上曰善。○上謂魏徵

譬如饒人  
自啜其肉

願陛下謹  
終如始

曰齊後主周天元北周宣帝傳位於太子自稱天元皇帝皆重斂百姓厚自奉養力竭而亡譬如饒不廉也人自啜食也其肉肉盡而斃何其愚也然二主孰為最劣對曰齊後主懦弱政出多門周天元驕暴威福在己雖同為亡國齊主尤劣也○上謂侍臣曰人言天子至尊無所畏憚朕則不然上畏皇天之鑒臨下憚羣臣之瞻仰兢兢業業猶恐不合天意未副人望魏徵曰此誠致治之要願陛下謹終如始則善矣○房玄齡王珪掌內外官考侍御史權萬紀奏其不平上命推之魏徵



諫曰。二人素以忠直被委任。所考既多。其閒能無一

二不當。然察其情終非阿私。且萬紀比在考堂。曾無

駁正。及身不得考。乃始陳論。此非竭誠徇國也。今推

之未足裨悲益朝廷。徒失委任大臣之意。臣所愛者

治體。非敢私二臣也。上乃釋不問。**綱**夏四月。上皇徙

居大安宮。**法**父有天下。傳歸於子。子有天下。尊歸於

傳子之善。太宗承統高祖。未聞尊父之禮。故上皇徙

居大安宮。綱目以自徙為文。而太宗尊奉推崇之典。

缺然無見。不然。將書曰帝奉。上皇**綱**六月。以馬周為

監察御史。**目**荏平今山東東昌府荏平縣人馬周客遊長安

太宗未聞尊父之禮

以荀悅漢紀  
賜李大亮

舍於中郎將常何之家。會以旱求言。何武人不學。周

代之陳便宜二十餘條。上怪問之。何對曰。此臣家客

馬周爲臣具草耳。上卽召見與語。甚悅。除監察御史。

以何爲知人。賜絹三百匹。**綱**冬十一月。以荀悅漢紀

賜涼州都督李大亮。**目**上遣使至涼州。今陝西行都司涼州衛

都督李大亮有佳鷹。使者諷使獻之。大亮密表曰。陛

下久絕畋遊。而使者求鷹。若陛下之意。深乖昔旨。如

其自擅。乃是使非其人。上悅。手詔褒美。賜以荀悅漢

紀。後漢荀悅獻帝朝爲祕書監撰漢紀三十卷**綱**以李靖爲定襄。今山西太原府



定襄縣道行軍總管統諸軍討突厥

代州今太原府代州都

督張公瑾僅上言突厥可取之狀上以頡利見上卷

既請和親復援梁師都見同上命李靖為行軍總管討

之以公瑾為副拔野古僕骨俱見上卷末等酋長並率衆

來降於是復以李世勣柴紹薛萬徹為諸道總管衆

合十餘萬皆受靖節度分道出擊突厥綱十二月突

厥突利可汗見上入朝上曰往者太上皇以百姓

之故稱臣於突厥見四十一卷十六朕常痛心焉今單于猶

言天子即稽顙可汗也庶幾可雪前恥矣昔人謂禦戎無

顏師古士會圖

太宗不私龐相壽

上策朕今治安中國而四夷自服豈非上策乎。綱閏月蠻酋謝元深等來朝。臣時遠方諸國來朝貢者甚眾。服裝詭異。中書侍郎顏師古請作王會圖。周武王太平遠國歸款史集其事為王會篇以示後從之。綱濮州今山東東昌府濮州刺史龐相壽有罪。免。臣相壽坐賊免。上以其秦府舊人復其官。魏徵曰。秦府左右甚多。若人人皆恃恩私。則為善者懼矣。上悅。謂相壽曰。我昔為一府主。今為天下主。不得獨私故人。賜帛遣之。相壽流涕而去。

綱庚寅四年春二月李靖襲破突厥於陰山。在契丹國頡



利可汗遁走。綱以溫彥博為中書令。戴胄參預朝政。

蕭瑀參議朝政。綱三月。四夷君長詣闕請帝為天可

汗。許之。

書許之何議也。中國帝王其尊至矣。而顧

夷狄又以自稱益非也。以音設見四十四。四夷君長

此貽謀願當一設宜矣。

一卷十三。

四夷君長

詣闕請上為天可汗。上曰。我為大唐天子。又下行可

汗事乎。羣臣及四夷皆稱萬歲。是後以璽書賜西北

君長。皆稱天可汗。綱蔡公杜如晦卒。如晦疾篤。上

遣太子問疾。又自臨視之。及卒。上語及必流涕。謂房

玄齡曰。公與如晦同佐朕。今獨見公。不見如晦矣。綱

夏四月行軍副總管張寶相擒突厥頡利可汗以獻

頡利敗走往依沙鉢羅設沙鉢羅部設之號蘇

尼失名部落任城今山東兗州府齊寧州王道宗引兵逼之使

蘇尼失執頡利行軍副總管張寶相取之以獻蘇尼

失舉衆來降漠南沙漠之南北遂空上御樓受俘

樓謂順天樓館去聲以之太僕掌廐牧輿上皇聞

之歎曰漢高祖困白登見十五卷不能報今我子能滅

突厥吾付託得人復何憂哉突厥既亡其部落或北

附薛延陀見上卷末或西奔西域其降唐者尚十萬口詔



羣臣議區  
處突厥

羣臣議區處之宜。朝士多言戎狄自古為中國患。今

幸破亡。宜悉徙之河南。

見上卷

充豫

見三卷

之間分

其種落散居州縣。教之耕織。可以化為農民。顏師古

請寘

同

之河北

見同

分立酋長。領其部落。李百藥以

為突厥雖云一國。然種類區分。各有酋帥。宜因其離

散。各署君長。使不相臣屬。則國分勢敵。不能抗衡中

國矣。仍於定襄

見上

置都護

見十六卷

府為其節度。此

安邊之長策也。溫彥博請準漢建武故事。

見二十一卷

置於塞下。順其土俗。以實空虛之地。使為中國扞蔽。魏

徵以為戎狄弱則請服。彊則叛亂。若留之中國數年

之後蕃滋倍多。必為腹心之疾。西晉之亂。五胡亂華見三十卷

十四丘氏前事之明鑑也。宜縱之使還故土。便彥博曰。王

者之於萬物。夫覆地載。靡有所遺。今突厥以窮來歸。

奈何棄之。若救其死亡。授以生業。數年之後。悉為吾

民。選其會長。使入宿衛。畏威懷德。何後患之有。上卒

用彥博策。處突厥降衆。東自幽州。今直隸順天府西至靈州。

故城在陝西寧夏衛城南分突利。見上故地為四州。又分頡利之

地為六州。左置定襄。見上右置雲中。今山西大同府二都督府。



以統其衆。以突利爲順州。

故城在廣西梧州府博白縣。

都督初頡

利族人。思摩無寵於頡利。頡利之亡。親近者皆離散。

獨思摩不去。竟與俱擒。上以頡利爲右衛大將軍。蘇

尼失思摩皆封郡王。其餘拜官有差。雌五品以上百

餘人。因而入居長安者近萬家。

華陽范氏曰。先王之制。戎狄荒服。夷不亂華。所以辨族類。別內外也。太宗苟欲冠帶四夷。以夸示天下。而不知亂華亦甚矣。是以唐室世有戎狄之亂。豈非太宗之所啓乎。  
致堂胡氏曰。顏師古李百藥之謀。雖無大失。未若魏徵之盡善也。而太宗不從。顧用溫彥博之策。何也。彥博之策。太宗所欲爲者也。其先意承志。不得爲忠矣。天無不覆地。無不載。而中國夷

狄之不可同處亦非人為乃天地之氣有淳正偏駁之殊也。有教無類。豈操雜華夷之謂乎。

**綱**林邑遣使入貢。**目**林邑南蠻國名在安南國獻火珠。有司以

其表辭不順。請討之。上曰。好戰者亡。如煬帝。頡利皆

所親見也。小國勝之不武。況未可必乎。

致堂胡氏曰。太宗不以夷狄一言之慢遽興兵。

革。幾於能忍。然林邑表辭敢為不順者。以獻火

珠。嘗試朝廷也。還其獻則善矣。今不聞

還其獻。則是太宗貪其寶而作其慢也。

**綱**六月脩洛陽宮。**目**書漢明帝大起北宮。以諫而止。綱

上謂玄齡曰。玄素所言有理。可即罷之。美之也。於是

以脩宮書不卒罷也。故不書罷。而明年再書脩。

漢明帝見二**目**給事中張玄素上書曰。洛陽未有巡

一卷二三。

張玄素諫脩洛陽宮

太宗食



敕百司詔  
敕未便者  
皆執奏

幸之期而預脩宮室。非今日之急務也。且陛下初平洛陽。凡隋氏宮室之宏侈者。皆令毀之。見上卷三曾未十年。復加營繕。何前日惡之。而今日效之也。且以今日財力。何如隋世。陛下役瘡痍。夷傷也之人。襲亡隋之弊。恐又甚於煬帝矣。上歎曰。吾思之不熟。乃至於是。顧謂房玄齡曰。玄素所言有理。可即罷之。後以事至洛陽。雖露居亦無傷也。**綱**秋七月。敕百司詔。敕未便者。皆執奏。**臣**上問房玄齡。蕭瑀曰。隋文帝何如主也。對曰。文帝勤於爲治。臨朝或至日昃。五品以上引坐論。

事衛士傳餐而食

未暇大食也

雖性非仁厚亦勵精之主

也。上曰。公得其一。未知其二。文帝不明而喜察。不明則照有不通。喜察則多疑於物。事皆自決。不任羣臣。一日萬機。豈能一一中理。羣臣既知主意。則惟取決受成。雖有愆違。莫敢諫諍。此所以二世而亡也。朕則不然。擇天下賢才。置之百官。使思天下之事。關白宰相。審熟便安。然後奏聞。有功則賞。有罪則刑。誰敢不竭心力。以脩職業。何憂天下之不洽乎。因敕有司。自今詔敕未便者。皆應執奏。毋得阿從。阿曲順從不盡已意。



此古今之  
通思  
太宗無我  
之德

遂昌尹氏曰嗚呼天下之理惟其是而已自後  
世入君有吝於改過者則曰業已授之不可改  
也自後世有人臣有喜於為佞者則曰此詔旨也  
不可違也夫使理有不當則業雖已授改之何  
傷事有未是則雖出於詔旨違之何害惟夫人  
君吝於改過人臣喜於為佞則天下之事明知  
其非而冒理行之必至於蠹政害民而後已此  
則古今之通患也善哉太宗能有見於此是以  
惟理之從不拘已見凡未便之事雖詔敕已行  
皆許執奏是豈不足以彰無我之德哉書之於  
冊此亦可為後王之法也

**綱**以李綱為太子少師蕭瑀為太子少傅**綱**以李大

亮為西北道安撫大使**綱**西突厥種落散在伊吾

吾盧地見詔以李大亮為安撫大使貯糧磧迹口虜  
二二卷一

安近

沙漠

日磧以賑之。大亮言。欲懷遠者。必先安近。中國如本

根。四夷如枝葉。疲中國以奉四夷。猶拔本根以益枝

葉也。今招致西突厥。但有勞費。未見有益。況河西

西行都司

州縣蕭條。不堪供億。不如罷之。其或自立

等衛地

君長求內屬者。羈縻

見十八卷二十

受之。使居塞外。為中國

藩蔽。此乃施虛惠而收實利也。上從之。綱以李靖為

右僕射。

夜

靖性沉厚。每與時宰參議。恂恂似不能

言。綱冬十一月除鞭背刑。

書美仁

上讀明堂鉞灸

大有年

書云。人五臟之系。

係

皆附於背。故有是命。

綱大有年。

綱鑑易知錄

卷四十三

唐太宗

十一



魏徵封德  
彝論教化

書大有年何美恤民也。帝自卽位。山東旱。則以賑恤書。關內饑。則以赦天下書。畿內蝗。則繼以出宮女書。其恤民也至矣。於國上之初卽位也。嘗與羣臣是特書大有年嘉之也。語及教化。上曰。今承大亂之後。恐斯民未易化也。魏徵對曰。不然。久安之民。驕佚驕佚則難教。經亂之民。愁苦愁苦則易化。譬猶飢者易爲食。渴者易爲飲也。上深然之。封德彝曰。三代以還。人漸澆。訛。故秦任法律。漢雜霸道。蓋欲化而不能。豈能之而不欲邪。魏徵書生。未識時務。信其虛論。必敗國家。徵曰。五帝三王。不易民而化。湯武皆承大亂之後。身致太平。若謂

古人淳樸漸致澆訛。則至於今日。當悉化為鬼魅妹

矣。人主安得而治之。上卒從徵言。元年。關中饑。米斗

同直絹一匹。二年。天下蝗。三年。大水。上勤而撫之。民

雖東西就食。未嘗嗟怨。是歲。天下大稔。。任。穀。熟。日。稔。流散

者咸歸鄉里。米斗不過三四錢。終歲斷死刑。纔二十

九人。東至於海南。及五嶺。裴潛廣州記。大庾始安臨賀桂陽揭陽是為五嶺。

皆外戶不閉。行旅不齎糧。取給於道路焉。帝謂長孫

無忌曰。貞觀之初。議者皆云。人主當獨運威權。不可

委之臣下。又云。宜震耀威武。征討四夷。惟魏徵勸朕



偃武脩文。中國既安。四夷自服。朕用其言。今頡利成擒。其酋長並帶刀宿衛。皆襲衣冠。徵之力也。但恨不使封德彝見之耳。徵再拜謝曰。此皆陛下威德。臣何力之有焉。帝曰。朕能任公。公能稱去聲朕所任。則其功豈獨在朕乎。○上謂侍臣曰。朕有二喜一懼。比年豐稔。斗粟三錢。一喜也。北虜久服。邊鄙無虞。二喜也。治安則驕侈易生。驕侈則危亡立至。此一懼也。房玄齡

奏閔府庫甲兵遠勝隋世。上曰。甲兵武備誠不可闕。然煬帝甲兵豈不足邪。卒亡天下。若公等盡力使百

姓又安。此乃朕之甲兵也。

**綱**辛卯五年秋八月殺大理丞張蘊古。明祖前書殺盧

殺張蘊古其為盛德之累亦多乎。然祖尚猶有辭

難之罪若蘊古則當官執法守正不阿可賞而不可

殺者其失尤**目**河內今河南懷慶府河內縣人李好德有心疾

為妖言大理丞張蘊古按之奏好德實被疾不當坐

治書侍御史權萬紀劾奏蘊古相州今河南彰德府人而好

德兄厚德為其刺史故蘊古阿意縱之上怒斬之既

而悔之因詔自今有死罪雖令即決仍三復奏乃行

刑。**綱**九月脩洛陽宮。法書周武帝毀上善殿則書毀美之



戴胄諫脩  
洛陽宮

詔議封建

也。於是竇璡鑿池築山，雕飾華靡。上怒，毀之。苟為不  
書其毀，書其脩，諷也。去年帝以玄素之言罷脩矣，卒  
復脩之，是貳過也。既罷之，復脩之，則  
毀為不足稱矣。綱目責備賢者，故罷不書罷，毀不書

註

善殿壯麗焚之。綱目書周毀上善殿。

目上欲

脩洛陽宮

見上

民部尚書戴胄表諫，以亂離甫爾，百

姓彫弊，營造不已，勞費難堪。上甚嘉之。既而竟命將

作大匠

見二三

寶璡

津

脩之。璡鑿池築山，雕飾華靡。

上怒，遽命毀之，免璡官。冬十月，詔議封建。初，上

問公卿以享國久長之策，蕭瑀對曰：「三代封建。」

建諸

侯而長久。秦孤立而速亡。上以為然，令羣臣議之。魏

徵以爲京畿稅少多資畿外若盡以封建經費頓闕  
又燕秦趙代俱帶外夷若有警急追兵內地難以奔  
赴李百藥以爲勳戚子孫皆有民社易世之後將驕  
淫自恣攻戰相殘害民尤深不若守令之迭居也顏  
師古以爲不若分王宗子勿令平聲過大開以州縣雜  
錯而居互相維持足扶京室爲去聲置官僚皆省司選  
用法令之外不得擅作威刑朝貢禮儀具爲條式一  
定此制萬代無虞於是詔宗室勳賢宜令作鎮藩部  
貽厥子孫所司明爲條例定等級以聞綱十二月制



制決死刑  
者皆覆奏

續錄易知錄

卷四三

十一

日今決死刑者皆覆奏。決日微樂減膳。上謂侍臣  
曰。朕以死刑至重。故令三覆。蓋欲思之詳熟也。而有  
司須臾之間。三覆已訖。又斷獄者。惟據律文。雖情在  
可矜。而不敢違法。其間豈能盡無冤乎。古者刑人。君  
為去聲之微。轍。除聲。樂減膳。朕庭無常設之樂。然常為  
之不啖。淡。酒肉。但未有著令。著在法。耳。於是制決死  
囚者。二日中五覆奏。下諸州者三覆奏。行刑之日。尚  
食。官名。掌天子之物。日尚。勿進酒肉。內教坊及太常不舉樂。皆  
命門下覆視。有據法當死而情可矜者。錄狀以聞。由

治病如治  
病

是全活甚衆。上嘗謂執政曰：朕常恐因喜怒妄行  
賞罰，故欲公等極諫。公等亦宜受人諫，不可以已之  
所欲惡人違之。苟自不能受諫，安能諫人？**綱**康國求  
內附。**目**康國一日薩末健，元魏時號悉斤，在那密  
水南，爲突厥所破，稍南依葱嶺，其君長  
姓溫，名屈木支。那密水葱嶺俱在西域。求內附。上曰：前代帝王好招來  
絕域，以求服遠之名，無益於用，而糜弊百姓。今康國  
內附，儻有急難，於義不得不救。師行萬里，豈不疲勞？  
勞百姓以取虛名，朕不爲也。遂不受。上謂侍臣曰：治  
平國如治病，病雖愈，尤宜將護。儻遽自放縱，病復作。  
聲



則不可救矣。今中國幸安，四夷俱服，誠自古所稀。然朕日慎一日，惟懼不終，故欲數聞卿輩諫爭也。  
魏徵曰：內外治安，臣不以爲喜，惟喜陛下居安思危耳。

羣臣請封  
禪不許

綱壬辰六年春正月朔日食。羣臣請封禪，不許。法書

書不許何譏也？何譏卒許而不果也？光武羣臣請封禪，不許，不書，以其卒封禪也。故以不書爲譏。太宗羣臣請封禪，不許，則書，以其卒不得封禪也。故以不書爲譏。必若隋文帝，然後書不許，不爲譏矣。  
見二一卷十六。隋文見四十卷十二。目初羣臣表請，上曰：卿等皆以封禪爲帝王盛事，朕意不然。若天下乂安，家給人

魏徵獨以  
為不可

足雖不封禪庸何傷乎。昔秦始皇封禪而漢文帝不  
封禪。後世豈以文帝不及始皇邪。且事天掃地而祭  
何必登泰山之巔。封數尺之土。然後可以發其誠敬  
乎。羣臣請不已。上亦欲從之。魏徵獨以為不可。上曰  
公不欲朕封禪者。以功未高邪。德未厚邪。中國未安  
四夷未服邪。年穀未豐。符瑞未至邪。對曰。今雖有此  
六者。然戶口未復。倉廩尚虛。車駕東巡。供頓勞費。又  
伊洛二水見三以東灌莽木叢生曰灌極目而遠夷  
君長皆當扈隨侍也。此乃引戎狄入腹中而示之



以虛弱也。況賞賚不貲。

資也。

未厭

足也。

遠人之望。給復

見上卷四

連年。不償百姓之勞。崇虛名而受實害。陛下將

焉用之。會河南北數州大水。事遂寢。明年羣臣復以

為請。上喻以舊有氣疾。恐登高增劇。乃止。

華陽范氏曰：古者天子巡狩，至于方嶽，必告祭柴望，所以尊天而懷柔百神也。後世學禮者失其傳，而諸儒之諂諛者，為說以希世主，謂之封禪。實自秦始，古無有也。人主不法三代而法秦，亦已謬矣。太宗方明，朝多賢臣，而佞者猶倡其議，獨魏徵以為時未可，而亦不以其事為非也。後議其禮，徵亦預焉。高宗明皇遂踵行之，終唐之世，唯魏宗元以封禪為非，嗚呼，禮之失也久矣。世俗之惑，可勝救哉。

馬周諫避  
暑九成宮

綱三月如九成宮

書諷遠也不惟溫清之多缺

上幸九成宮

在陝西鳳翔府麟遊縣西避暑監察御史馬周上疏

曰大安宮

見上在城西制度卑小而草駕獨為避暑

之行是太上皇留暑中而陛下居涼處也

溫清聲去

清寒也曲禮凡為人子之禮冬溫而夏清昏定而晨省言溫以禦其寒清以致其涼定其衽席省其安否

之禮臣竊有所未安焉且太上皇春秋已高陛下宜

朝夕視膳今九成宮去京師三百餘里太上皇或時

思念陛下陛下何以赴之然今行計已成不可復止

願速示返期以解衆惑仍亟增脩大安以稱中外之



望綱以長樂公主嫁長孫沖法書公主嫁不悉書此其書何美從諫也目

長樂今福建福州府長樂縣公主將出降敕有司資送倍於永

嘉今浙江溫州府永嘉縣長公主見十八卷魏徵諫曰昔漢明帝

欲封皇子曰我子豈得與先帝子比皆令半楚淮陽

見二二卷今奈何資送公主反倍於長主乎上入告皇

魏徵引禮義以抑人主之私情

后后歎曰妾數聞陛下稱重魏徵不知其故今觀其引禮義以抑人主之私情乃知真社稷之臣也上

會須殺此田舍翁

嘗罷朝怒曰會須殺此田舍翁后問為誰上曰魏徵

每庭辱我后退其朝服曰妾聞主明臣直今魏徵直

君臣猶父子  
宴近臣於  
丹青殿

由陛下之明諒也。妾敢不賀。上乃悅。**綱**夏四月，鄒

今山

東兗州府鄒縣公張公謹卒。**目**公謹卒，上出次發哀，有司奏

辰日忌哭。上曰：君臣猶父子也，情發於哀，安避辰日。

遂哭之。**綱**秋，閏七月，宴近臣於丹青殿。**目**丹青殿，何

臣講論無非治道與他宴樂者異矣，故特書之。**目**上宴近臣於丹青殿，長孫

無忌曰：王珪、魏徵，昔日仇讎。見上卷不謂今日得同

此宴。上曰：徵珪盡心所事，故我用之。然徵每諫我不

從，我與之言輒不應，何也？魏徵對曰：臣以事為不可

故諫，若陛下不從而臣應之，則事遂施行，故不敢應。



上曰。應而復諫。何傷。對曰。昔舜戒羣臣。爾無面從。退

有後言。

虞書益稷篇辭

臣心知其非。而口應陛下。乃面從也。

豈稷契事舜之意邪。上大笑曰。人言魏徵舉止疎慢。

我視之。更覺嫵媚。

通作斌亦媚也

媚正為此耳。徵起拜謝曰。

陛下開臣使言。故臣得盡其愚。若陛下拒而不受。臣

何敢數

犯

顏色乎。○上謂王珪曰。至齡以下。卿宜

悉加品藻。

品等第藻文辭

且自謂與數子何如。曰。孜孜奉國。

知無不為。臣不如至齡。才兼文武。出將入相。臣不如

李靖。敷奏詳明。出納唯允。臣不如彥博。處繁治劇。

極

魏徵嫵媚

王珪品藻  
詩臣

王珪確論

治天下如  
建此屋

衆務畢舉。臣不如戴胄。恥君不及堯舜。以諫諍爲己任。臣不如魏徵。至於激濁揚清。嫉惡好善。臣於數子。亦有微長。上深以爲然。衆亦服其確論。○上指殿屋謂侍臣曰。治天下如建此屋。營構既成。勿數期改易。苟易一椽。椽。榑也。正一瓦。踐履動搖。必有所損。若慕奇變法度。不恆其德。勞擾實多。○上曰。人主惟有一心。而攻之者甚衆。或以勇力。或以辯口。或以諂諛。或以奸詐。或以嗜慾。輻湊攻之。各求自售。以取寵祿。人主少懈而受其一。則危亡隨之。此其所以難也。**綱**九月。



如慶善宮。**目**慶善宮。在西安府武功縣南上生時故宅也。因宴

功成慶善樂

賦詩。被之管絃。命曰功成慶善樂。使童子八佾為九

九功舞

功之舞。取虞書九功惟敘之義。九功者水火木金土穀正德利用厚生也。大宴會與

破陳舞。見上卷二六偕奏於庭。同州。今西安府同州刺史尉遲敬

尉遲敬德  
歐任城王  
目幾眇

德與坐者爭長。歐任城王。見上王道宗目幾眇。上不懼

而罷。謂敬德曰。朕欲與卿等共保富貴。然卿居官數

犯法。乃知韓彭。韓信彭越菹醢。非高祖之罪也。敬德由是

始懼而自戢。入聲**綱**冬。以陳叔達為禮部尚書。**目**

帝謂叔達曰。卿武德。高祖年號中有讜。黨言。直言也。見上卷十六故

相報對曰臣見隋室父子相殘以亡口之言非為  
陛下乃社稷之計耳

奏七德九功舞

**綱**癸巳七年春正月宴玄武門奏七德九功舞**目**更

名破陳樂

見上卷

曰七德舞

取左傳宣十二年武有七德之義七德者禁暴

戢兵保大定功安民和衆豐財也

太常卿蕭瑀以為形容未盡請并

寫武周

劉武周

仁

薛仁果

建德

竇建德

世充

王世充

擒獲之

狀上曰彼皆一時英雄朝臣或嘗北面事之觀其故

主屈辱之狀能不傷乎瑀謝不及魏徵欲上偃武脩

文每侍宴見七德舞輒俛同俯首不視見九功舞則諦

魏徵不視七德舞



帝。觀之。**綱**王珪罷。以魏徵爲侍中。**目**上與侍臣論

安危之本。溫彥博曰。願陛下常如貞觀初。則善矣。帝曰。朕比來怠於爲政乎。魏徵曰。貞觀之初。陛下節儉。求諫不倦。比來營繕微多。諫者頗有忤旨。此其所以異耳。帝欣然納之。○上問魏徵曰。羣臣上書可采及名對多失次。何也。對曰。臣觀有司奏事。常數口思之。及至上前。三分不能道一。況諫者拂意觸忌。非陛下借之辭色。豈敢盡其情哉。上由是接羣臣辭色愈溫。嘗曰。煬帝多猜忌。對羣臣多不語。朕則不然。君臣相

親如一體耳。○上謂侍臣曰。朕比來決事。或不能皆如律令。公輩以爲事小。不復執奏。夫事無不山小。以致大。此乃危亡之端也。昔龍逢旁忠諫而死。朕每痛之。煬帝驕暴而亡。公輩所親見也。公輩常宜爲朕思。煬帝之亡。朕常爲公輩念。龍逢之死。何患君臣不相保乎。○上謂魏徵曰。爲官擇人。不可造次。用一君子。則君子皆至。用一小人。則小人競進。對曰。然。天下未定。則專取其才。不考其行。喪亂旣平。則非才行兼備。不可用也。



魏徵之學  
駁而不純

造渾天儀

華陽范氏曰太宗之言王者之言也魏徵所謂  
才行者不亦異乎夫才有君子之才也兼德行而  
才古之所謂才者君子之才也兼德行而言之  
也後世之所謂才者小人之才也辯給以禦人  
詭詐以用兵僻邪險陂趨利就事而已爾王者  
創業垂統敷求哲人以遺後嗣故能長世豈其  
以天下未定而專用小人之才乎夫有才無行  
之小人無時而可用退之猶懼其或進也豈可  
先用而後廢乃取才行兼備之人乎徵之學駁  
而不純故所以輔導其君者卒不至於三王之  
也

**綱**造渾天儀見三五書書造儀何**直**太史李淳風

以靈臺候儀制度疎略但有赤道靈臺見二卷二二

天地也浮屠一行日靈臺鐵儀後魏斛蘭所作規制  
朴略度刻不均赤道不動乃如膠柱以考月行遲速

縱四如期  
自肅朝堂

多差更請造渾天黃道儀。以玉衡璣表裏三重其在辰儀其最在內者日四遊儀四遊者以其東西南北無不周徧也。玉衡璣幾見一卷二四。至是奏之。**綱**秋九月山東四十餘州水遣使賑之。**綱**赦死囚三百九十八人。先是上親錄繫囚見應死者憫之縱使歸家期以來秋來就死仍赦天下死囚皆縱遣使至期來詣京師至是皆如期自詣朝堂上皆赦之。致堂胡氏曰罪既至死無可赦者此三百九十入者其閒寧無殺人償死者乎而赦之何被殺者之不幸而蒙赦者之幸也況既得一年之期必嘗相約以如期而集則可免死太宗悅其信服而忘其刑赦之頗也然不敢違逸而皆至情則可矜矣要之始者縱之過也



**綱**冬十一月以長孫無忌為司空。目無忌固辭。上曰。

吾為官擇人。惟才是與。苟不才。雖親不用。如有才。雖

讎不棄。今日之舉。非私親也。**綱**十二月帝奉太上皇

置酒未央宮。書於是始一書奉太上皇。太上皇越二年而以

養母多矣。逮養父者蓋鮮焉。上皇稱詔九年。太**目**上

宗躬養之。禮僅一見於綱。目帝亦少嫌於此哉。**目**上

從上皇宴故漢未央宮。見十七卷上皇命顏利可汙。見上

一起舞。馮智戴。見上卷詠詩。既而笑曰。胡。顏利越智戴一

家。古未有也。帝捧觴上壽。上酒日曰。此皆陛下教誨。

非臣智力所及。上皇大悅。**綱**賜太子庶子于志寧孔

胡越一家

傀儡

顯達等金帛。帝謂志寧曰：朕年十八，猶在民間，民之疾苦情偽，無不知之。及區處世務，猶有差失。況太子生長深宮，百姓艱難，耳目所未涉，能無驕逸乎？卿等不可不極諫。太子好嬉戲，頗虧禮法。志寧與顯達數朔直諫，上聞而嘉之，各賜金一斤，帛五百匹。綱削工部尚書段綸階。綸奏徵巧匠，上令試之。綸使造傀。恢上。壘。木偶人也。列子：周穆王時，巧人有上聲。傀，偃師者，為木人，能歌舞。此蓋傀儡之始。上曰：求巧工以供國事，今先造戲具，豈百工相戒，毋作淫巧之意邪？乃削綸階也。品級



**[綱]**甲午八年春正月以李靖等為黜陟大使分行上聲

天下**[目]**上欲分遣大臣循行黜陟未得其人李靖薦

魏徵上曰徵箴規朕失不可一日離左右乃命靖等

十三人分行天下察長吏賢不肖問民間疾苦禮高

年賑窮乏褒善良起淹滯俾使者所至如朕親覩**[綱]**

秋七月山東河南大水**[綱]**冬十月營大明宮**[目]**營大

明宮在西安府治東北以為上皇清暑之所未成而上皇寢

疾不果居**[綱]**以李靖為特進**[目]**靖以疾遜位上曰朕

嘉公意欲以公為一代楷模注則故不相違及拜特

營大明宮

李靖一代  
楷模

進

見十七卷三十一

俟疾小瘳

抽

開三二日至門下中書平章

政事

平章政事之名始此書堯典平章百姓

綱吐蕃

西域國名在吐谷渾西南

遣使人貢

書此吐蕃通

綱聘鄭氏為充

華既而罷之

書特筆也太宗從諫至此可謂

匡帝聘

鄭仁基女為充華

婦官九嬪之一

問使將發魏徵聞其嘗許

嫁士人陸爽遠上表諫帝大驚自責命停問使房玄

齡等奏許嫁無顯狀爽亦表言初無此議帝謂徵曰

羣臣或容希合爽亦自陳何也對曰彼以陛下為外

雖捨之或陰加罪譴故爾帝笑曰朕之言不能使人

魏徵諫時  
鄭氏



必信如此邪。**綱**以皇甫德參為監察御史。**田中牟**今

南開封府中牟縣

丞皇甫德參上言脩洛陽宮勞人收地租

厚斂俗好高髻。記蓋宮中所化上怒謂房玄齡等曰

德參欲國家不役一人不收斗租宮人皆無髮乃可

其意邪欲罪之。魏徵曰言不激切不能動人主之心

陛下擇焉可也。上曰朕罪此人則誰復敢言者乃賜

絹二十匹。他日徵奏言陛下近日不好直言雖勉強

含容非曩時之豁如上乃更加優賜拜監察御史

**綱**乙未九年夏五月太上皇崩冬十月葬獻陵。在西

魏徵諫罪皇甫德參

安府三原縣

綱十一月以蕭瑀為特進見上參預政事

曰武德季年高祖有廢立之心而未定我不為兄弟

所容實有功高不賞之懼斯人也。不可以利誘不可

以死脅。真社稷臣也。因賜瑀詩曰疾風知勁草勁草不隨

疾風疾風板蕩誠臣不以板蕩而變詩大雅板之

蕩蕩皆刺厲王之詩也板蕩反也蕩蕩法度廢壞貌

范氏曰太宗以蕭瑀瑀無貳心於已而嘉之可謂

能知臣矣人君以此取人豈不得忠正之士乎

綱丙申十年春二月以荆王元景等為諸州都督

目諸王之藩上與之別曰兄弟之情豈不欲常共處邪

太宗賜蕭瑀詩



兄弟不可復得

但以天下之重不得不爾諸子尚可復有兄弟不可復得因流涕嗚咽聲入不能止

致堂胡氏曰臨湖之變太宗不能以義命少忍然理義出於人心雖下愚蠢蠢猶不可忘滅而況英傑之資乎事以往時遷終必自悔然已不可如何矣此太宗所以悲也人倫之際易以失思可不慎哉臨湖之變見

**魏王泰為相州**今河南彰德府都督不之官上以泰好文

學特命於其府別置文學館聽自引名學士泰有寵

於上或言諸大臣多輕之上怒召諸大臣讓責也之曰

隋文帝時大臣皆為諸王所頓顙至厄也我若縱之

豈不能折辱公輩邪。房、玄齡等皆謝。魏徵正色曰：若

紀綱大壞，固所不論。聖明在上，魏王必無頓辱羣臣

之理。隋文帝驕其諸子，卒皆夷滅。又足法乎？上悅曰：

朕以私愛忘公義，及聞公言，方知理屈。人主發言，何

得容易乎？王珪嘗奏三品以上道過，親王降乘。去聲下

也。車非禮。上曰：卿輩輕我子邪？魏徵曰：諸王位次三公

今三品皆九卿。唐志：太常、光祿、衛尉、宗正、太僕、大理、鴻臚、司農、太府、凡九寺，各卿一人。

八座。六部尚書，左右僕射。為王降乘，誠非所宜。上曰：人命難期。

萬一太子不幸，安知諸王不為公輩之主乎？對曰：自



厥者不可  
救者國  
病民

周以來皆子孫相繼不立兄弟所以絕庶孽之窺竅  
塞禍亂之源本此爲國者所深戒也上乃從珪奏綱  
夏六月皇后長孫氏崩。后性仁孝儉素好讀書常  
與上從容商略古事因而獻替裨益弘多撫視庶  
孽逾於所生妃嬪以下無不愛戴訓諸子常以謙儉  
爲先太子乳母以東宮器用少請奏益之后不許曰  
太子忠德不立名不揚何患無器用邪后得疾太子  
請奏赦罪人度人入道后曰死生有命非智力所移  
救者國之大事不可數朝下道釋異端之教蠹國病

卷三十一

民皆上素所不爲奈何以吾一婦人使上爲所不爲乎及疾篤與上訣時房玄齡以謫歸第后曰玄齡事陛下久小心慎密苟無大故不可棄也妾之本宗因緣葭嘉苳孚。漢中山王傳葭苳之親葭蘆也苳其苳中白皮至薄者言其輕薄而附著也。以致祿位既非德舉易致顛危欲保全之慎勿處之權要妾生無益於人願勿以丘壠勞費天下但因山爲墳器用瓦木可也更願陛下親君子遠去聲小人納忠諫屏丙讒慝省作役止遊畋則妾死不恨矣后嘗采自古婦人得失事爲女則三十卷至是宮司奏之。

三



禁上書  
者

上覽之悲慟。以示近臣曰。皇后此書。足以垂範百世。朕非不知天命而為無益之悲。但入宮不復聞規諫之言。失一良佐。故不能忘懷耳。乃召玄齡使復其位。**綱**秋。禁上書告訐者。**目**上謂羣臣曰。朕開直言之路。以利國也。而比來上封事密奏。阜囊封版。故曰封事。者多。訐人細事。自今復有為是者。朕當以讒人罪之。**綱**冬十一月。葬文德皇后。**目**帝為文刻石。稱皇后節儉遺言。薄葬。不藏金玉。當使子孫奉以為法。帝念后不已於苑中作層觀。貫。層。重屋也。登之則可遠觀。故曰觀。以望昭陵。長孫皇后墓在西安府醴

魏徵獻  
之對

泉縣九嬰山。嘗引魏徵同登使視之。徵熟視之曰。臣

昏眊。帽音宗不能見上指示之。徵曰。臣以為陛下望獻陵

見上。若昭陵則臣固見之矣。上泣為去聲毀觀。**綱**十二

月朱俱波甘棠遣使入貢。**綱**朱俱波西域國名一作朱

駒半。作朱駒波在葱嶺在西域之北。去瓜州故城在陝西行

都司肅州衛城。西五百里。三千八百里。甘棠西域國名在大海南上曰。

中國既安。四夷自服。然朕不能無懼。昔秦始皇威振

胡越。二世而亡。惟諸公匡其不逮耳。**綱**黜治書侍御

史權萬紀。**綱**萬紀上言宣州名今江寧國府饒州名今江銀



大發采之。歲可得數百萬緡。民。錢。貫也。上曰。朕貴為天

子。所乏者。非財也。但恨無嘉言。可以利民耳。與其得

數百萬緡。何如得一賢才。卿未嘗進一賢才。而專言

銀利。昔堯舜抵也。擲。璧於山。投珠於谷。漢之桓靈。乃聚

錢為私藏。卿欲以桓靈俟我邪。是日黜萬紀。使還家

**綱**更命統軍別將為折衝果毅都尉。改號統軍為折衝都尉。別將為

果毅都尉。諸府則總號折衝府。折衝者。所

以折兵衝也。左傳曰。殺敵為果。敵果為毅。**目**凡十道。見上卷。置府六百三十四。而關內即關中。二百六十

一。皆隸諸衛及東宮六率。同帥。左右羽林。左右龍武。左右神武。凡上

太宗貴權  
萬紀

唐唐兵之



兵制之善  
惟唐府兵

府兵千二百人。中府千人。下府八百人。三百人為團。  
團有校尉五十人為隊。允隊有正十人為火。火有長。  
每人兵甲糧裝各有數。輸之庫。征行給之。二十為兵。  
六十而免。能騎射者為越騎。其餘為步兵。每歲季冬。  
折衝都尉帥以教戰。當給馬者官予直。官與價直。當  
宿衛者番上。更番宿衛。兵部以遠近給番。隨遠近以定番上之制。遠  
疎近數。促皆一月而更。

潘陽石氏曰。府兵之制。無事則耕於野。有事則  
命將以出師。還則兵散於府。將歸於衛。國無養  
兵之費。臣無專兵之患。故先儒謂三代而下。兵  
制之善。惟唐之府兵耳。猶得寓兵於農之意。蓋



近古之良法也。惜其子孫不能守耳。按唐以遠  
近給番皆一月而更恐大紛擾不若漢以一歲  
一代者爲善也。



